

5132

9(47-925)

U-25

~~323~~
~~8-25~~

Արքայի աշխարհ

Տիգրան

Լեհոն ՍԱՐԳՈՒԱՆՑ

Հ Ի Ւ Ց Ա Կ

(ՀՐԱՊԱՐԱԿԱԽՈՍԱԿԱՆ ԽՈՀԵՐ)



Մ Ա Ս Կ Ո Ւ Ա.
ՏՊԱՐԱՆ ՎԱՐՎԱՌԵ ԳԱՏՏՈՒՆ.
1900.

3847.925 6637 Հհ.

U-25


մբ

Եկան ՍԱՐԳԱԿԱՆՑ

Հ Ի Ւ 8 Ա Խ

382/6

(ՀՐԱՊԱՐԱԿԱՆՈՍՏԱԿԱՆ ԽՈՀԵՐ)



2010

Մ Ա Ա Կ Ա Խ Ա .

ՏՊԱՐԱՆ ԳԱՐՎԱՐԵ ԳԱՍՏՈՒԿ .

1900.



Ա Զ Դ

Այս գրքոյկի մէջ հաւաքուած են զանազան ժամանակ
,,Մշակում“ լրյա տեսած մեր յօդուածներից մի քանիսը,
որոնք նուիրուած են մեր կեանքի այն խնդրին, որին կա-
րելի է „չին ցաւ“ անունը տալ...

Լ. Ս.

Дозволено цензурою. С.-Петербургъ, 22 марта, 1900 года.

2001

Типографія Варвары Гатцунъ, Москва, Арбать, Большой Афанасьевский пер., д. Ефремовой.

Ց Ա Ն Կ

	ԵՐԵՎ
I. ԱԼՄՐՈՌԻԴՄ և ՀՈԳԿԵՈՐԱԿԱՆՆԵՐ	1
II. ՄՈԹԻԿ անցեալից	7
III. ԻՆՉԻ համար են	17
IV. ՎԵՂԱՐԱՆՈՐԸ մեր կեանքում	20
V. Կղերի գերը	26
VI. Կեանքի քննադատութիւնը	43

I.

ԱԼՏՐՈՒԻԻԶՄ ԵՒ ՀՈԳԵՒՈՐԱԿԱՆՆԵՐ

Զոհել անձնական բարեկեցութիւնը, իր «ես»ը, ուրիշե բարօրութեան համար, մոռանալ իրան «ոչ-ես»-ի համար՝ դա այն բարձր բարոյական զգայմունքն է, որ բարովել է և Քրիստոս։ Այժմեան փիլիսոփայութիւնը այդ գաղափարը կոչում է ալտրուիզմ և նրան ընդունում է իրեւ հիմնաքար հասարակական տռաջաղիմութեան։

Ուրեմն, մաքուր քրիստոնէութիւնը ալտրուիստական դաւանանք է և ՀՈԳԿԵՈՐԱԿԱՆ դասակարգ կաստային նախապաշարմունքներով ու շահերով չէ կարող հարազատ լինել աւետարանի ոգուն։

Աւետարանի բարովելքը պէտք է թողնի ամեն մի իշխանասիրական ու բռնակալական ձգտում և դառնայ ժողովրդի սպասաւոր, նա իր անձը պէտք է դնի «Եղբարց» բարօրութեան համար։ Այլապէս քրիստոնեայ հոգկորականը կռապաշտական հոգկորականութեան հետեւղ է դառնում և չէ տարբերվում նրանից։ Ալտրուիստը ոչ միայն չէ կարող դէմ լինել այն բոլորին, ինչ որ ընդհանրութեան համար բարիք է, այլ մինչև անգամ իր եսական շահը մի կողմ դնելով, պէտք է ձգնի ձեռք բերելու այն, ինչ որ ուրիշների բարօրութեան աեսակէտից անհրաժեշտ է։

Այդպէս ահա սիստեմի բերված ճշմարտութիւնները, այսինքն գիտութիւնը, որ մարդուն միջոց է տալիս օգտվել թէ իր և թէ բնութեան ոյժերով աւելի դիւրին կերպով բարօրութեան համելու համար, ինչպէս և արդարագագաթութիւնը, որ բոլոր մահկանացուների համար հաւասար օրէնքներ սահմանելով և իւրաքանչիւրին հաւասար դիւրովթիւն տալով երեան հանել չարագործութիւնը՝ ապահովում է մարդու տարրական իրաւունքը՝ անձի, ստացուածքի և պատուի անբունաբարութիւնը ուժեղների կամայականութիւններից՝ ահա այդ երկուն էլ ընդհանրութեան բարօրութեան համար անհրաժեշտ գործոններ են: Ուստի ալտրուիսար, ուրեմն և աւետարանի ոգուն հաւատարիմ իւրաքանչիւր անձ, չը պէտք է դէմ լինի այդ գործոնների: Այնտեղ ուր զիտութիւն և արդարագագաթութիւն չը կայ, պէտք է տիրէ խաւարն և անիրաւութիւնը, որ ձեռնտու կարող են լինել միմիայն միքանիսին և ոչ ընդհանուրին:

Որտեղ ընդհանրութիւնը, ժողովուրդը, կամ նրա ընտրածները չեն քննում օրէնքները, այլ մէկի կամ մի քանիսի քմահաճութիւնը օրէնք է յայտարարվում և կամքը՝ անսխալական, այնտեղ կամայական բեժիմ է տիրապետում, որը ձեռնտու է միայն այն անձանց, որոնց ձեռքումն է իշխանութեան դեկը կամ որոնք իշխանաւորի մերձաւորներն են:

Ալտրուիստ կամ լաւագոյն հոգեորականութիւնը պէտք է մերժի կամայականութեան հետ դաշնակցութիւնը և հաւատարիմ մնայ ժողովրդին, որից և որի համար նա ընտրվում է: ժողովրդի հաւաքական արտայայտութեան՝ եկեղեցու սպասաւոր դառնալով, արժանաւոր հոգեորականը պէտք է աշխատի ժողովրդի բարօրութեան համար, որը զիտութեան և արդարագագաթութեան հետ է կապված. նո ժողովրդի հաւատարիմ սպասաւորը պէտք է լինի և ոչ նրա վրա իշխողը կամ տէրը. նրա իրաւունքները պաշտպանողը

պէտք է լինի և ոչ նրա իրաւունքներ ոտնակոխ անողը: Դասակարգային կղերական շահեր նա չը պէտք է ընդունի, այլ միայն ժողովրդական բարօրութիւն, եթէ չէ ուզում նմանել եղուփաներին:

Յայտնի է, որ քրիստոնէական եկեղեցու անունից չարգործութիւններ անող եղուփաները հալածվեցին զիտութեան և ժողովրդի համար գործողներից, իրեւ վասակար հակաքրիստոնէական տարր: Եւ արդարեւ, նրանք, որոնք տանջում, այրում, մեռցնում էին անմեղ մարդկանց, ստեր ու կեղծիքներ տարածում, բռնութեան օժանդակիչներ հանդիսանում, յեղաշրջում իրենց գարշելի նպատակների համար աւետարանը, կղերի գերիշխանութիւնը զօրացնում, կղերի անսխալականութիւնը յայտարարում, ժողովրդի համար բռնութեան շղթաներ կոռում՝ նրանք ճշմարտութեան թշնամիներ էին և իրաւունք չունէին իրանց հետևող համարել մարդկանց համար հալածված, տանջված և խաչված Քրիստոսին...

Հեղութեան, սիրոյ, անձնուրացութեան փոխարէն այդ հոգեռորականութիւնը ընկել էր զոռոգութեան, եսամոլութեան, մամոնայի և աշխարհային վայելչութիւնների երկրոպագութեան ետեկից: Իրենց անձը հօտի կամ ժողովրդի համար դնելու փոխարէն՝ նրանք յափշտակում, իւրացնում էին ժողովրդի սեփականութիւնը՝ համարելով այդ բոլորը իրենց «փարածի զինը». եկեղեցին ջոկում էին ժողովրդից և ոչ միայն հզօրների առաջ չէին պաշտպանում թոյլերին, այլ իրանք էին խլում ժողովրդի իրաւունքները և աջակցում, շղթագորթում բռնականերին: Ժողովրդի լուսաւորութիւնը իրենց ձեռքը զցելով կեղծում էին զիտութիւնը, այլանդում էին մատաղ սերնդի միտքը և հոգին՝ աղատ, ալարուիստական և ժողովրդասէր քրիստոնէական եկեղեցու համար պատրաստելով նեղ կղերական, անհամբերող և եսական ոգուվ սնված սոսկալի հրէշներ, որոնք իրենց չարագործութիւններով միայն զայրցիթ և զզուանք առաջացրին ժողովրդի մէջ:

Եւ այդ տեսակ հոգեօրականութիւնը ըստ արժանոյն գնահատվեց. նրա հեղինակութիւնը ընկաւ, որովհետեւ ամեն մի բեմիմ, որը փոքրամասնութեան շահերին է ծառայում և արդարութեան ու զիտութեան փոխարէն կամայականութեան ու նախապաշարմունքի վրա է հիմնված՝ արդէն ինքն իր մէջ կրում է քայլայման ու մահվան կնիքը: Քանի որ նա վնաս է հասցնում մեծամասնութեան՝ ժողովրդի բարօրութեան, նա պէտք է ոնչանայ, ինչպէս միջնադարեան անձնիշնան, անսխալտական պապականութիւնը, որ շնորհիւ իր կղերի բարոյական այլանդակութեան, անթիւ խարդախութիւններին և ձնշող ինկվիզիցիային միայն արագացրեց իր անկումը և առաջացրեց րէ Փօրմացիան:

Հինհայաստանում էլ արեղանների մէծ մասը քրիստոնէական ոգուն բոլորովին հակառակ ընթացք էր բռնել և քաղդէհրէական ու կռապաշտական ծէսերի և նախապաշարմունքների մէջ էր փնտում կրօնը: Վանքերից, ուր տղիտութիւնը և արծաթմիրութիւնը առաքինութիւն էր ձանաչված, հալածվելով հալածվեցին Խորենացիններն ու Փարպեցինները: Ժողովրդի լուսաւորութեան և բարեգործութեան համար շինված վանքերը, իրենց ընդարձակ կալուածներով, արեղանների անձնական սեփականութիւն էին դարձել. նրանք յափշտակում էին ազգի սեփականութիւնը՝ գանձ զիգելու և աշխարհական ազգականներին հարստացնելու նպատակով: Հոգեօրական աստիճանը սակարկութեամբ վաճառվում էր դրամով. ժողովրդի ընտրութիւնը խախտված էր: Նըջեկ արեղանների «նուիրակութիւններով» կեղերվում էր ժողովուրդը յօդուա պորտաբոյծ, ծոյլ և տղէտ միաբանների: Հոգեօրականութիւնը ժողովրդի տղիտութիւնը և միամտութիւնը դարձրել էր հարստահար սատական անսպառ աղքիւր. գտօխքի արհաւիրքներով ու սատականերով վախեցնում էին նախապաշարված ժողովրդին, իրենց զրապանների համար նուէրներ կորզելու նպատակով: Աւետարանի լայն, ալտրուիստական ողին քարովելու փոխարէն

նրանք զրգուում էին կատաղի ֆանատիկոսութիւն և թշնամութիւն դէպի այն մարդիկ, որոնք այնպէս չէին հասկանում բարոյականութիւնը, ինչպէս համելի էր տղէտ արեղաներին: Հարստահարված, ձնշված ժողովրդին մարդկային իրաւունք քարովելու փոխարէն՝ հոգեօրականները սորբկահոգութեան և բոնութեան խնկարկողներ էին և անիրաւութիւնների սրբագործողներ: Համարեա նոյնը տեսում է մինչեւ մեր օրերը:

Եւ ժողովուրդը միշտ տեսնելով տղէտ, մոլեուանդ, շահակը և ստոր մարդիկ հոգեօրական պաշտօնի մէջ՝ կամացկամաց սովորեց նրանց վնասակարել և առածներում արհամարհել ու ծաղրել: Զը նայելով զրան, երբ երկան էր դալիս մի ազնիւ, լուսաւոր և զործով ժողովրդակը հոգեօրական՝ ժողովուրդը ըլ լսելով կղերի մեծամասնութեան չարախօսութիւններին, յարգում, պաշտում էր այդպիսի անձին: Ժողովուրդն իր առողջ գատողութեամբ միշտ լաւն և արդարը վաղ թէ ուշ հասկանում է: Այդպէս, կարբեցու բոլոր ստոր ու կեղաստ միջոցներն անզօր էին վայր զցելու Աշարակեցու ժողովրդականութիւնը ոչ միայն հասարակութեան լուսաւոր և առաջաղէմ մասի ազքում, այլ և ժողովուրդի, որը զործերով է գնահատում իր անունից խօսողներին:

Ժողովուրդն իր օգուարը լաւ է հասկանում: Նրան կարելի է սուտ ու խարբուսիկ բաներով մոլորեցնել միայն կարձ ժամանակով նրա ուշադրութիւնը հեռացնել իր վէրքերից կարելի է միայն վայրկենաբար, բայց նա վերջ ի վերջոյ բմբոնում է ճշմարտութիւնը և կրկին վերագառնում իր վէրքերին և այնուշետե ոչ մի շանտաժային կամ փարիսեցիական աչքակապութիւն չի օդնի, և այնուշետե կղերը կասպէտք է զոհացում տայ ժողովրդի դրած պահանջներին և բարեփութիւնը մէկը, կամ.. արհամարհկելով մոռացվի ժողովրդից և պապական կղերի վեճակին հասնի:

Մեր գարում անձնիշխան կամսյականութիւնը և մեծամիտ տղիտութիւնը անպատճե չեն անցնում, ինչպէս և չեն անցել երբէք: Այժմեան հասարակական կարգերի իդէալը և պէս առաջադիմութեան յաղթական ընթացքում փշըլում, ոչչանում է այն ամենը, ինչ որ անհամապատասխան է արդարագատութեան և դիտութեան պահանջներին:

1895 թ., Ապրիլ

II.

Ս Օ Տ Ի Կ Ա Ն Ց Ե Ա Լ Ի Ց

«ՈՇ հովիւք, որք զանձինս
արածէք և ոչ զիսաշինս»:

Ներկան լուսաբանվում է անցեալով, ինչպէս երեսյթները՝ պատճառներով: Մեր այսօրվայ օրը մի կղզիացած կամ անցեալից բոլորովին խզված մօմենտ չէ, այլ շարունակութիւն, հետեւանք նախընթաց եղելութիւնների և կատարված գործերի:

Ուստի մեր հնագէտ-պատմագրող Ա. Երիցեանի «Ամենայն հայոց կաթողիկոսութիւնը և Կովկասի հայք XIX դարում» վերնագրով աշխատութիւնը, վերաբերվելով մեր ամենամօտ անցեալին և հիմնված լինելով մեծ մասամբ պաշտօն ական դրութիւնների և ականատեսների նկարագրութիւնների վրա, ունի ներկայիս համար էլ շատ ուստանելի յատկութիւններ: Նատ անգամ կիրքը մեզ թոյլ չէ տալիս ներկայի համանման երեսյթների վրա սառն և արդար քննադատութեամբ խօսել իսկ անցեալի նկատմամբ՝ սուտը, չափանցութիւնը և սօփեստութիւնները անզօր են մոլորեցնելու: Եյդ պատճառով մենք խորհուրդ կը տայինք ամեն մի հային կարգալ ծայրէ ի ծայր Երիցեանի վերջին աշխատութիւնը, որի վերնագիրը դրած է մեր յօդուածի սկզբում և որի երկրորդ մասը վերաբերում է կարեցի Յովհաննէս կաթողիկոսի (1831—1842) օրերում պատահած անցքերին և հայ հոգևորականութեան ներքին կեանքին: Իսկ մենք, հիմնվելով այդ դրբի վրա, ներկայ յօդուածում կը բականանանք այդ ժամանակվայ մի համառօտ տեսութեամբ:

*) Ժողովուրդը՝ Եշխոռ:

Կարբեցի Յովհաննէսը մանկութեան և պատանեկութեան օրերը վանքերումն էր անցկացրել և նրանց մթնոլորդում մեծացել: Սաղմոս, Ժամազիրք բերան անելով և «փոխ» ասել կարողանալով՝ նա Երևակայում էր զիառութեան գաղաթնակետին հասած: Գիտութիւնը նա համարում էր այն, ինչ որ իր տգէտ զլիում կար: Կուսակրօնութիւնը այն ժամանակներում էլ գիւղին ճանապարհ էր հարստանալու: Կարբեցին այդ Ճշմարտութիւնը շատ լաւ էր իւրացրել: Կեանքի նպատակ գնելով փող գիւղել և իր ազգականներին հարստացնել նա կուսակրօնութիւնը ընդունեց և յետոյ, իբրև վարդապետ, շրջեց զանազան կողմերում «նուիրակութիւնով», որի շնորհով բաւական մեծ հարստութիւն ժողովեց: Փողը օգնեց նրան եպիսկոպոս ձեռնադրվելու: Լինելով բնութիւնից սահմանափակ և բարքով ստոր՝ նա ոչ մի այլ գաղափար չունէր, բացի մամօնայի երկրագութիւնը և սնափառութիւնը: Փողը նա համարում էր ոչ միայն ամենազօրեղ միջոց, այլ և ամենամեծ նպատակ:

Այդ տգէտը, գեռ Եփրեմ կաթողիկոսի կենդանութեան ժամանակ, ձգտում էր կաթողիկոսական աթոռին: Փողի միջոցով նա աշխատում էր Երևանի սարդարի աջակցութիւնը ձեռք բերել կաթողիկոս դառնալու: Ասիական Երկիրներում մեծացած սարկի նման, նա որչափ գոռող էր ստորագրեալի հետ, նյոնչափ քծնող շողոքորթ՝ հզօրների առաջ: Պասկեվիչը և իշխան Վ. Բէհըուզովի հովանաւորութիւնն էր աշխատում զրաւել՝ հրաժարված Եփրեմի փոխարէն 1831 թւին կաթողիկոս ընտրվելու համար: Եւ այդ աջողվեց, հակառակ ոռւսահայ ինտելեգիայի, ժողովրդի, Եփրեմի և թիւրքահայերի ցանկութեան, որը Ներսէս Աշտարակեցու կողմն էր: Թիւրքաց հայերը յետոյ էլ չը հաշովեցին և վճռեցին՝ հաւատարիմ մնալով էջմիածնին՝ չը ճանաչել Յովհաննէսի կաթողիկոսութիւնը:

Տգէտ, անընդունակ, անձեռնհաս, հալածասէր և կաշառակեր Կարբեցին մի և նյոն ժամանակ այնքան մանր և

նախանձու էր, որ Ներսէսին վնասելու համար կանգ չէր առնում ոչ մի ստորութեան առաջ: Բոնելով Թիֆլիսից հեռացրված Ներսէսի առաջնորդական տեղը, նա, ժողովրդի աքում իր հակառակորդի վարկը վայր զցելու համար, գիմեց մի չարագործութեան. — քանդեց ազգի լուսաւորութեան միակ ճրագրը, նրա շինած Ներսիսեան ուսումնարանը, խեց գպրոցի եկամուտները, 5 դասարանի փոխարէն թողեց 2 դասարան, 400 աշակերտների թիւը հասցրեց 160-ի, 11 ուսուցչի փոխարէն բաւականացաւ 3 ուսուցիչներով: Ուսումնարանի ընդարձակ շինութիւնը յանձնեց զինուորական վարչութեան. Կօջօր ամարանոցը, որի մի քանի հազար դեսմատինը Ներսէսը գնել էր 500 բուրլով յօդուտ իր ուսումնարանի Կարբեցին ընդայեց իր բարեկամ Սիպեազին և Պանկրատիեվ գեներալներին: Զը բաւականանալով դրանով ինքն զըպարատում բամբասում էր Ներսէսի հիմնած ուսումնարանը և ամեն ջանք դործ էր զնում գպրոցը փակելու համար:

Արձաթսիրութիւնը այնքան մեծ էր նրա մէջ, որ կաթողիկոս դառնալով հանգերձ, գեռ մինչեւ օծումը Թիֆլիսում աշխատեց իր վերջին հունար հնձել: Այն թեմում, ուր 14 տարի Ներսէսը ստիպված էր ոչ ոքի քահանայութիւն ըլ տալ (այնքան մեծ էր նրանց թիւը) Կարբեցին իր առաջնորդութեան օրից անխտիր ամենքին կոչում էր քահանայութիւն՝ «աջահամբոյրի» մասին համաձայնութիւն կայացնելուց յետոյ: Առաջնորդարանում ամենայն օր սակարկութիւն էր կատարվում և առաջարկված գումարի քահանկութիւնը ծածկում էր քահանայացուկ տղիտութիւնը և անբարոյականութիւնը: Իր մաերիմ քահանաներին, որոնցից ամեն մէկը մի քանի հազար «աջահամբոյր» էր հաւաքում վեհի համար տէրտէրացուներից, — նա առատ - առատ պարզեատրում էր:

Ականատես Մսէր մազիսարոսը վկայում է, որ «արգիւնք, որք համբուրեցին զսրբամաքուր աջ սրբազան գիտին Յովհաննու ի քահանայից մինչեւ էր ի Տփիսիս՝ հասաւ

5075 թումանի (23 հազար բուբլի): 0 թիսակելի և աղգօգուտ ջերմեռանդութիւն՝ ... կարբեցին ուղում էր նաև թեմերը սակարկութեամբ յանձնել առաջնորդներին, բայց իշխանութիւնը արգելք դրեց:

Հաւաքելով 50,143 բուբլի՝ էջմիածնի վաճքի 24,800 բուբլու պարաքի գիմաց, նաև, էջմիածնի հասնելով՝ ոչ մի կօպէք այդ գումարից չը միսեց էջմիածնի վրա, այլ բոլորը խւրացրեց, իսկ պարաքերի համար դիմեց կառավարութեան՝ դանձարանից փող խնդրելով և փոխարէնը զրաւ դնելով վաճքերի կալուածքները: Վաճքը, եկեղեցին խորթ էր նրա սրտին. ինչ գումար ընկնում էր իր ձեռքը՝ համարում էր իր և աղգականների սեփականութիւն:

Վաճքը մտնելու օրից կարբեցին սկսեց հալածել ներսէսի կողմակից հոգեռականներին, որոնք միակ արժանաւոր պաշտօնեաններն էին այն ժամանակ, և իրան շրջապատեց տղէտ, ստոր, շղզքորթ և արատաւորված աբեղաներով, որոնց առաջ էր քաշում և հարստացնելու համար՝ «նուիրակութեան» ուղարկում ու պաշտօններ տալիս.

Իրեւ սափական բռնաւոր, այդ կաթողիկոսը արդարագատութեան մասին գաղափար չունէր: Իր միահեծան իշխանութեամբ, քմբի և հաճոյքի համաձայն, կարգադրում էր ամեն բան, համարելով ազգը իր ծառան, իսկ եկեղեցին՝ իր սեփական տունը: Մքտրական ներսէսը Քիշենեվց լուռ և թախծալց դիտում էր այդ բոլոր աղգավնաս խայտառակութիւնները և միայն ժամանակ առ ժամանակ արհամարհական և սուր երփիծական գրութիւններով էր խայթում այդ ողորմելի ուղղուրպատօրին: Ժողովրդի և միաբանութեան մէջ ընդհանուր զժոհութիւն էր տիրում: Կ.-Պօլիսը չէր յիշատակում նրա անունը. նոյն իսկ նրա կողմակից հացկատակ արարածները հայհցում էին նրան ետեից և միայն երեսից, անձնական շահերից կուրացած, շղզքորթում, քծնում էին: Իսկ այդ միամիաը կարծում էր թէ մեծ բանի վրա է՝ անպիտաններին առաջ քաշելով և լաւերին հալածելով...

Զը տանելով բոյոր անկարգութիւնները և կամսյականութիւնները, էջմիածնի միաբանութիւնը վերջապէս ընտրեց 8 հոգի, որ կաթողիկոսի հետ բանակցեն: 1833 թւի նոյեմբերի 10-ին ընտրվածները խմբովին ներկայանում են կաթողիկոսին մի բողոքազրով որից բերում ենք մի քանի կէտեր:

Նրանք բողոքում են.

1) Որ կաթողիկոսը փոխանակ ընդհանուրի շահը և հասարակութեան բարօրութիւնը նպատակ դնելու, «առանց որոց ոչ մի իշխանութիւն չէ օրինաւոր և չէ հաճելի Աստուծոյ»—անձնական քմահաճութեամբ է զործում, ոնչացնելով և վաճքի այն «սահմանադրական կառավարութիւնը», որ հաստատել էին Դանիէլ և Եփրեմ կաթողիկոսները, համաձայն ազգի և միաբանութեան ցանկութեան այն նպատակով, որ վերջ գնվի կաթողիկոսների և նրանց սիրելի Փավորիտների քմահաճ, անձնիշխան անօրէնութիւններին:

2) Ոչ մի հասարակաօգուտ կարգադրութիւն կամ զործ չէ կատարվում և անկարգութիւնները ոչ միայն չեն վերացնվում, այլ և խրախուսվում են:

3) Փոխանակ վաճքի պարաքերը վճարելու և նրա քբառոր գանձարանը լցնելու՝ կարբեցին ձգում է անվերջ արծաթ և ոսկի գիղել՝ յատկապէս սեփական գյոքը և զանձնաւելացնելու և իր աշխարհական աղգականներին հարստացնելու նպատակով: Ոչ միայն կանօնաւոր հաշեւ չէ տալիս, այլ ընդհակառակն. միշտ աշխատում է ամեն դէպքում և զանազան անվայել միջոցներով վաճքի սեփական գյոքից և զանձարանից էլ մի բան աւելցնել իր սեփական գանձին:

4) Միաբանութեան մի մասին աշառութեամբ և թշնամարար է վերաբերվում, հրապարակով անարգում ու մեղադրում է նրանց մնութիւն ու սուտ պատճառաբանութիւններով և թշուառացնում է միաբանութեան գրութիւնը:

5) Անարժաններին, անձնական շահերից դրդված, բարձրացնում է և պաշտօններ տալիս, ըստ իր հաճոյից և

քմաց, առանց հետեւելու Դանիէլ-Եփրեմի սահմանադրական ուղղութեան:

6) Հրաժարած Եփրեմին մարդու տեղ չէ դնում, նրա խորհուրդներին չէ դիմում և զրկել է նրան կաթողիկոսական պատվից ու հեռացրել վեհարանից:

Եւ, առհասարակ, ոչ միայն ոչնչ հոգս չէ տանում խոռնինթոր գործերը կարդի բերելու, հաշուենեսութիւն մացնելու, անարժաններին և տգէտներին քահանայանալու դէմն առնելու, այլ և ինքն սեփական բարքով դայթակղեցուցիչ օրինակ է գտանում այլոց համար և զանազան անբարյական, լիր անձանց երես է տալիս ու վանքում պահում:

Եւ այն և այն և այն:

Բողոքատոնները վերջն աւելացնում են. «Քաջ զիտենալի, որ ծածկված վերքերն անբուժելի են մնում, բարւոք համարեցինք բանալ այդ վերքերը, որպէս զի բժշկական դարման դովի», և ապա առաջարկում են միջոցներ՝ տիրող անկարգութիւններին վերջ դնելու համար:

Երեւանի նահանգապետ իշխան Բեհրութօվը, որը ևս ժողովրդի համար մի ցաւ էր, կարբեցուն պաշտպանելու միակ միջոցը դատաւ՝ անբաւականներին հեռացնելը էջմիածնից, թէ և ինքն խոստովանվում էր թէ՝ «կաթողիկոսին ամենեին աղատ չէ համարում վերոգրեալ մեղադրանքներից, բայց և այնպէս կարեցին աւելի պիտանացի կարող է լենել քան թէ ուրիշ ոք»...

Առհասարակ հայոց եկեղեցա-վարչական գործերում տիրող ասիական անկարգութիւնները ոչ միայն զգուեցրել էին լաւ հորեորականներին, այլ և կրթված աշխարհականներին, նոյն իսկ հասարակ ժողովրդին: Դեռ էջմիածնը պարսից ձեռքում էր, որ 1805 թւին մօսկվաբնակ Մինաս Լազարեանցը աշխատում էր համոզել Դանիէլ կաթողիկոսին, որ ասիական անձնիշխան կամցականութիւններին վերջ դնվի՝ կոլլեգեալ հաստատութիւններով և որոշ կարդ ու կանոններով:

Եւ Դանիէլը պատասխանում էր թէ. «Կամիմ զի կենդանասացին օրէնք և կանօնք առաքելոց և հայրապետաց սրբոց. վասն որոյ զայս առաջի առնեմ որպէս հիմն, զի կաթողիկոսն առանց եպիսկոպոսաց և եպիսկոպոսք առանց կաթողիկոսի մի ևս իշխանացին յայստէնաէ և զական կամօք իւր եանց իշխանաբար առնել ինչ գործ՝ որ իցէ պատկանեալ Եկեղեցւոյ հայաստանեայց կամ հայոց Աղքի»: Նա մինչև անգամ առաջարկեց ընդհանուր միաբանութեամբ ընտրել եպիսկոպոսներից և վարդապետներից «Ժողով», որ լինի գատաւոր սիւնհոգոսի և ծայրադրյն պատրիարքի վրա «ըստ կանոնաց հայոց»:

Սակայն նրա աջակից Ներսէսի ցանկութիւնը՝ մի ընդհանուր հայկական եկեղեցական գերագոյն «Ժողով» ունենալը՝ չիրագործվեց և, երբ էջմիածնը 1828 թւին անցաւ ուսւսաց ձեռքը և կարեցին կաթողիկոս դարձաւ, Պատկեվեց, վերջ գնելու համար տիրող անկարգութիւններին, կազմեց մի գաղտնի «Կօմիտե» կարբեցու մերձաւոր անձերից — իշխան Բեհրութօվ կաթոլեկ Շահան Զրպեաեանց, կաթոլիկութիւնից դարձած Սերովէ վարդապետ և կաթոլիկ Օչկին պաշտօնեան, — մշակելու հայոց եկեղեցու վարչութեան համար ընդհանուր կանոնադրութեան (Պօլօմէնիէի) նախագիծը:

Չը նայած որ ուսւսաց կայսրների ցանկութիւնն էր՝ բարձրացնել էջմիածնի հեղինակութիւնը և տալ նրան այնպիսի սահմանադրութիւն, որով ըստ կարելոյն պահպանված լինէին հայոց եկեղեցու աւանդութիւնները և իրաւունքները, «որ անշուշտ թանգ էին ժողովրդի համար» — բայց, տարաբաղդաբար, ոչ կաթողիկոսը, ոչ էլ նրա առաջարկած պապական ոգուավ կրթված արքանեակները կամ բուրբոն Բեհրութօվը՝ ձեռնհաս էին ուսումնասիրելու և ըմբռնելու հայոց ժողովրդական աղատ եկեղեցու ողին:

Հասկանալի է թէ Բնչ ուղղութեամբ նախագիծ պէտք է մշակէր այդ «Կօմիտեալ» Բարեբաղդաբար, Պետերբուրգում

մինիստրների խորհուրդը չը համաձայնվեց նախադի շատ
մասերի հետ և հարկ եղաւ Պետերբուրգում՝ հիմնել նոր
կօմիտեա, որը երեք-չորս տարի աշխատելով մացրեց նախադի
մէջ փոփոխութիւններ յօդուա հայոց եկեղեցու։ Այդպիսով
Պօլօժէնիէի բոլոր պակասաւոր կողմէրի պատասխանա-
տութիւնը ընկնում է հայ հոգեորականութեան տղիտու-
թեան և կատարեալ անձեռնահասութեան վրա։ Ի՞նչ կարելի
էր սպասել մի հոգեորականութիւնից, որի զլուխը՝ կաթո-
ղիկոսը, նիկողայոս կայսրի բարեհած հարցին էջմիածնում,
1837 թիւն թէ։

— «Ի՞նչ կամիք խնդրել ինձնից ձեր եկեղեցու և հօտի
բարօրութեան համար»։

Պատասխանել էր.

— Ենորհել իմ երկու եղբօրորդւոց՝ Թէվումօվներին
ուուսական շքանշաններ, որպէս զի աղնուական դառնան...

Կամ ի՞նչ սպասել մի կաթողիկոսից, որը, բարօն Բօղէնին
համցանալու նպատակով, էջմիածնից ուղարկում է Թիֆլիս
նրա կնոջ համար կաթողիկոսների հին թանգաղին թազը
և երբ յետ է ստանում զարդարած արդէն հասարակ
ապակու կտորներով մեծապին ակնեղինների փոխա-
րէն, —լոռում է։ Ի՞նչ կարելի էր սպասել մի հոգեորականու-
թիւնից, որը փողի համար պատրաստ էր ամեն ստորու-
թիւն յանձն առնել և որի հրէշաւոր տղիտութեան, նա-
խանձի և ապիկարութեան չափի մասին միայն հայ խեղճ
ազդը գաղափար ունի, որովհետև միայն նա է տուժել այդ
կղերից։

Ճիշդ է, «Կանոնադրութեամբ» արտաքին, ձեւական կարգ
և կանօն մտաւ մեր եկեղեցավարչական գործերում, սա-
կայն ներքինը՝ հին, ասիական կամայականութիւնը՝ մնաց,
որովհետեւ հոգեօր իերարխիայի պաշտօնեալ ից միայն
փարածա էր պահանջմում և ոչ մի մտաւոր բարոյ ա-
կան ցենք։ Հասկանալի է, որ կօնսիստօրիաները դարձել

էին ժողովուրդը կեղեքող հիմնարկութիւններ, ուր «ստորօ-
ժից» սկսած մինչև առաջնորդը կաշառք էին վեցնում։

Ամեն ըսհամ հաս էր դառնում, ամեն մի տղէտ՝ քա-
հանայ, նայելով տուած գումարին։ Եկեղեցական գոյքերն ու
կալուածները յափշտակում էին, արդարութեան նշոյլ չը
կար։ Կամայականութիւնը թագաւորում էր սոսկալի անա-
մօթութեամբ և միայն շողբորթ, խնկարկող մամուլն էր
պակաս...

Ամբողջ հոգեորականութիւնը խորին տղիտութեան մէջ
էր ընկղման, վանքերը ուսումնարան, տպարան ըռնէին,
իսկ կաթողիկոսը չէր էլ մտածում այդ շուայլութիւն-
ների մասին։ Մսեր մազիստրոսը պարզամտութեամբ բացատ-
րում է կաթողիկոսի և եպիսկոպոսների ուսումնատելութեան
պատճառը այսպէս։

«Ի ծագել լուսաւորութեան ի գունդս աբեղայից և
սարկաւագաց ըստ օրինի այլոց ազգաց, ոչ զնոյն համարումն
յարգանաց մարթէին գտանել զինքեանց եպիսկոպոսքն՝ զոր
ինչ այժմ։ Քանի յոգունց յեպիսկոպոսաց և վարդապետաց
թէպէտ և չիցն ուսեալք, սակայն գոլով այժմ ի զերազոյն
պատուի և պաշտաման, զոր օրինակ ի գանձապետութեան,
յաւագ լուսարարութեան, ի գարպամութեան, և այլն, ի
համարի են յաչս միաբանից և բնակչաց Վաղարշապատոց և
վկային լինել արժանիք առաջնորդութեան, նուիրակութեան
և կաթողիկոսութեան, որոյ վասն իսկ վայելեն ի մեծագոյն
բարութիւնս և օրլատորէ առաւելուն պատիւ փառաց
իւրեանց։ իսկ ի բանիլ աչաց միաբանից լուսով իմաստից,
յայտնի է թէ այն համարումն կամ բնաւ իսկ ոչ մնայր առ
նոսա, և կամ փոխարկիւր յայլ իմն։ քանզի կամաւ կու-
րանալ կամաւ կորանալ՝ ոչ ամենեցուն է, բայց
այնոցիկ միայն՝ որոց կամարտաքին և կամներ-
քին կուրացեալ իցեն աչք։»

Իմաստուն խօսքեր...

Հնդկաստանի հայերը, կարգալով Պօլօժէնիէն, ուղարկում են իրենց գիտողութիւնները, որոնցից զլիսաւորն այն էր, որ ոչ միայն կաթողիկոսական ընարութեան համար պէտք է զիմել ընդհանրական ազգային ժողովի վճռին, այլև ուրիշ կարեոր ազգային-եկեղեցական խնդիրներում, համաձայն հայոց եկեղեցու հին սովորութեան. որովհետեւ հայոց եկեղեցին երբէք չէ ընդունել պապական եկեղեցու կղերական գերիշխանութեան կամ անսխալականութեան գաղափարը: Կայսրն իմանալով այդ զրութեան մասին, հրամայեց պահանջել կաթողիկոսի կարծիքը յիշած յօդուածների մասին: Ի՞նչ պէտք է պատասխանէր տղէտ, անձեռնհաս կաթողիկոսը իր անպէտք քքախմբով...

Մի քանի ժամանակից յետոյ մեռաւ Կարբեցին 80 տարեկան հասակում, կատակելով իր անձնական հարստութիւնը իր աղքականներին։ Նա մեռաւ ամենավաս յիշատակ թողնելով իր վնասակար գործունէութեան և անձնական արատաւոր բնաւորութեան շնորհիւ։ Նրա դժբաղդութիւնից չլիար այն ժամանակ խաւարամիտ մնամուլ, որ խնկարկէր նրան և նրա չարագործութիւնները սրբացնէր պապական կղերի աչքակապութեամբ և անսխալականութեան գաղափարով։ Խոկ շատ շուտ, ինչպէս ժողովուրդն իր առողջ գատողութեամբ, այնպէս և պատմութիւնը իր անաշառութեամբ՝ կարգացին իրենց գատագմիուրում։


1895. *թ.*, Յունիս:

III.

Ի Ն Չ Ի ՞ Յ Ա Մ Ա Ր Ե Ն

Թիւրքիայում զանազան քրիստոնէական դաւանութեան ներկայացուցիչներ օգնութեան ձեռք են կարկառում թշուառ հայ ղղոհերին, միսիօնէրները ժողովում են մանուկներին իրենց հիմնած որբանոցներում; Հաց և շոր են բաժանում քաղցած տկլորներին, գումարներ են հանդանակում դրանց օգնելու համար: Իսկ ի՞նչ են անում մեր վարդապետները և մեր եպիսկոպոսները, ո՞ր վանքում են որբեր խնամել ո՞ր վանքում տկլոր, բաղցած և հիւանդ թշուառներին ապաստան տուել:

Տասնեակ հազար հայեր իրենց կեանքը ազատելու համար մահմտականութիւն են ընդունում։ սովը և հիւանդութիւնը կոտրածների պակասն են լրացնում։ մի քանի հազար որբ մանուկներ փողոցներն ընկած մուրում են... ահա սոսկալի իրականութիւնը։ Միայն բոլորովին խուլերն ու կյուրերը բաղդաւոր են իրանց զգում, որ ոչ լսում են և ոչ տեսնում։ Սակայն, ինչպէս երեսում է, այդ կյուրերին և խուլերին մրցակից են և ֆիզիկապէս աւելի քան առողջ մարդիկ, որոնք կազմում են մի գասակարգ այդ թշուառ հայ ապօի մէջ։ Եյդ գասակարգը հայ հոգեռականութիւնն է, որը միշտ ձգտել է և այժմ էլ ձգտում է առանց զօհաբերութեան առաջնորդ և տէր հանդիսանալ համայն ժողովրդի։ Դիտեցէր իրականութիւնը և կը տեսնէք որ, տարաբաղլաբար, ըստալանցութիւն չը կայ մեր խօսքերի մէջ։



Սակայն ո՞ր օրվայ համար են դարերի ընթացքում վանքերին հայ ժողովրդից նուիրված կալուածները, ոսկին և արծաթը. ում համար են վանքերի շնչերը իրենց քաջառողջ արեղաներով ու վարդապետներով: Միթէ ժողովրդի տղիսութիւնը և յիմարութիւնը նուիրազործող տիրացուարանների համար են այդ բոլորը, միթէ իրենց անձնական վայելութիւնների համար են միաբանները, միթէ բանկերում անձնական հարստութիւններ դիմուլու նուպատակով են վեղար գրել իրենց վլխներին մեր եպիսկոպոսները:

Ինչի՞ն էր հարկաւոր հայ ժողովրդին Երուսաղէմի պարաքերը վճարելով զբաղվել, ինչի՞ն էր հարկաւոր նրան մշտական նուիրատութիւններով վանքերը շնչ պահելու մասին մտածելը, ինչի՞ն էր հարկաւոր միջոցներ տալ կուսակրօններին առանց անձնական հոգերի ապրելուն, եթէ ու օրերին այդ բոլորը, — թէ վանքերը և թէ վարդապետները, — նրա համար նոյնքան նշանակութիւն պէտք է ունենային, որչափ նեղոսի կոկորդիլոսները: Ինչի՞ն են հարկաւոր ժողովրդին գերմանական աստուածաբանները և միջնադարեան գաղափարներով մնված ապուշ վարդապետները, որ այս ճգնաժամին անդամ շարունակում են միջոցներ վատնել զանազան անմիտ ձեռնարկութիւնների վրա...

Երուսաղէմ, ո. Կարապետ, Վարագ, Աղթամար, Սիս, Արմաշ և այլն և այլն հարիւրաւոր անուններ, որոնք այս րօպէիս միայն ամօթ շարժող ու կէտեր են արիւնով ներկված մի երկրի քարտէզի վրա: Խսկ Ռուսաստանում՝ էջմիածին, Մողնի, Սևան, Հառիճ, Երնջակ, Սանահին, Հաղպատ, Հաղարծին, Ամարաս, Գանձասար, Նախավիկայ, Թովմայ և այլ շատ վանքերի անունները իրենց բազմաթիւ միաբաններով և ընդարձակ կալուածներով ի՞նչ են մեզ ասում այս ճգնաժամին: Եյդ վանքերից ո՞ր մէկումն է որբանոց բացվել, ո՞ր մէկում միաբանութիւնը սէր և զութէ ցոյց տուել տառապեալ գաղթականներին, ո՞ր մէկում են մտածել դորձ, աշխատանք տալ թշուառներին:

Միթէ քիչ հողեր կան անմշակ, քիչ անտառներ կան յափշտակիներին մատնված, քիչ փլատակներ կան կարօտ վերաշնութեան, քիչ այգիներ՝ կարօտ խնամքի: Քիչ տեղեր կան, որոնք ապաստան և բնակալայր կարող էին լինել թշուառների համար, քիչ ալեւր կայ ամբարներում, զինի մառաններում, պանիր և իւղ օնակներում..

Հարյնում ենք ձեզ հայր սուրբեր, ո՞ր օրվայ համար էք դուք, ո՞ր օրվայ համար են ժողովրդի հալալ աշխատանքով շինած վանքերը իրենց հարստութիւններով, որոնց ժառանգել էք դուք, մոռանալով որ այդ «փարաջի զին» չէ, այլ ժողովրդի ու օրերի ապահովութիւն:

1897 թ., Մարտ

IV.

ՎԵՂԱՐՍԻՈՐԸ ՄԵՐ ԿԵԱՆՔՈՒՄ

Մասսայի մէջ քննադատական ընդունակութիւնը թըրմրած է. նրա գպրոցը՝ սնահաւատութիւնների ու նախապաշարմունքնենի աշխարհն է կամ՝ գարերի սահմանափակ փորձը: Այդ աղքիւրներից նա չէ կարող ձեռք բերել պատշաճաւոր պատրաստութիւն՝ որոշելու համար իր անելիքը հասարակական կամ քաղաքական բարդ խնդիրներում: Այդ է պատճառը, որ նա զեկավարների է կարօտ, այդ է պատճառը, որ նա լուսում է թէ ի՞նչ է խորհում իր «զլուխը»՝ խնտելիղենցիան:

Ժողովրդի զրկանքների և տղիտութեան հաշւով ինքը լուսաւորվելով՝ ինտելիղենցիան կարող է օգտակար լինել նրան երկու պայմաններում: առաջինը՝ երբ այդ ինտելիղիան աւելի է հետաքրքրվում հասարակական հարցերով ու ժողովրդի վեճակով, քան կարիերով ու բուրժուական կօմ ֆօրտով, և երկրորդ՝ երբ վերոյիշեալ խնդիրները կեանքի մէջ իրականացնալուց առաջ ենթարկվում են բազմակողմանի և ազատ քննադատութեան: Տարաբազարար մէր մէջ չը կան այդ երկու պայմանները, ուստի մէր ժողովրդի «զլուխը»՝ խնտելիղենցիայի համեմատունքների մէջ աիրում է բարեխնան խառնակութիւն և շրջապատող իրական պայմանների մասին մանուկի հասկացողութիւն: Ի՞նչ է զրտ հետեանքը՝ մի կացութիւն, ուր ամեն բան կիսատ-պուատ, ողորմելի և անկերպարան է...

Մենք փոքրիկ աղջ ենք, ուստի մէզ զբաղեցնող խընդիրներն էլ փոքրիկ են, չը դադարելով առաջնակարդ նշա-

նակութիւն ունենալ մէր ժողովրդի բարօրութեան համար: Մէր ինտելիղենցիայից ով վեթխարի, «համաշխարհային» բաներ է սիրում, նա, ի հարկէ, ուշադրութեան չի առնի մէր կեանքի չարն ու բարին... Այսպէս թէ այնպէս, մէր կեանքում մի այդպիսի չարն ու բարին է և մէր հոգեռորականների խնդիրը, որը քանի քանի անգամ արձարձվել է, առանց որ և է հիմնական լուծում ստանալու նցյն իսկ տեսականապէս, որովհետեւ մինչեւ այժմ էլ ամենահակասական կարծիքներ են տիրում ներքին խնդիրներով հետաքրքրվող մէր սակաւաթիւ խնտելիղենցիայի մաքերում՝ մէր կղերի նշանակութեան մասին:

Վերջերս գարձեալ այդ հարցի մասին մաքերի փոխանակութիւն եղաւ «Մշակի» մէջ պ. Խ. Մալումեանի մի յօդուածի առիթով, որի մէջ պաշտպանվում էին հետեւեալ երկու թեղիսները.

1) Կուսակրօն հոգեռորականութիւնը գուրս է ժողովրդից, գործ չունի, մի աւելորդ դասակարդ է այժմ: ապա ուրեմն՝ ոչ մի խնտելիղենաւ, ժողովրդին ծառայելու գաղափարով վառված անձ, չէ կարող և չը պէտք է համաձայնվել անգամ մի այդպիսի դասակարդի:

2) Քահանայական գասակարզը թէկ կապված է ժողովրդի հետ, թէկ կարող էր մեծ ծառայութիւն մատուցանել ժողովրդին, բայց այժմ նա զրկված է այդ ոյժից, որով հետեւ նրա շարքերը լցվեցին տղէտներով, իսկ արժանաւորները հալածանքի ենթարկվեցին, ուստի չէ կարելի և չը ուկաք է խորհուրդ տալ ուստի առաջ, օրինաւոր և աղմիւ մարդուն մասնել մի շրջան, որից ժողովուրդը չէ զրաւլում:

Այս երկրորդ թեղիսի վերաբերմամբ բոլորովին համակարծիք լինելով «Մշակի» աշխատակից պ. Ահարոննեանի հետ, թոյլ եմ տալիս ինձ առաջին թեղիսի դէմ առաջ բերել իրականութիւնից այնպիսի փաստեր, որոնք հոգովուրդը չէ զարգութեան պ. Մալումեանի պնդումին: Կար-

դացէք ոչ միայն մեր ուրիշ պարբերական հրատարակութիւնների, այլ և կղերականութեան հակառակ «Մշակի» էջերում լցոս տեսնող թղթակցութիւնները, թէ Խուսասատանի և թէ արաւասահմանի հայարնակ տեղերից, և գուք կը տեսնէք, որ նրանց մեծ մասը նուրիված է յատկապէս վեղարաւորների զործունէութեան։ Եթէ վեղարը ժողովրդից կարված լինէր և նրա հետ զործ չունենար՝ անհասկանալի կը լինէր այնքան զրելն ու խօսելը այդ դասակարգի մասին։ Ինչու ազգը ողեռվում է մի իզմիրեանով և վրովվում Աշողեանով. ի՞նչ փոյթ ժողովրդին՝ արգեք Աշտարակեցու նման կաթողիկոս կընտրվի, թէ անբան Կարբեցու. ի՞նչ փոյթ՝ մի թեմում Կարապետն է առաջնորդ, թէ Սրբստակէսը. ի՞նչու այնքան պէտք է ցաւէր ժողովուրդը, որ Մուշեց հեռացրվել է մի Խարախանեան վարդապետ, կամ որ մի Ալէաթձեան եպիսկոպոս բոնութեամբ զըրկվեց կաթողիկոսութիւնից. ի՞նչու հէնց «Մշակը» այնքան ջանք է զործ զնում համոզելու ում անկ է կարգին առաջնորդ ուղարկելու Ատրպատական. ի՞նչու մեր երկու կուսակցութիւնների պայքարում այնքան տեղ է բոնում էջմիածինը. ի՞նչու Նալբանդեանից սկսած մինչեւ Արծրունին՝ այնքան զրվել է ու խօսվել մեր եկեղեցու պաշտօնեանների մտաւոր ու բարդյական մակերեցիթի բարձրացման մասին. ի՞նչու... Բայց իմ միտքը պարզելու համար հերիք են և տուած հարցերը, որոնցից հետեւում է, որ վեղարը մեր իրականութեան մէջ գեռ ունի նշանակութիւն. — մի տեղ ժողովրդի զաւակների կրթութեան զործն է կախված նրանից, միւս տեղ ամուսնական խնդիրներն են կապված նրա հետ, երբորդ աեղում վանքական կալուածներն ու զիւղերն են մասնված նրա կամայականութեան, չորրորդ տեղ վեղարաւորն է օրէնքով ընդունվում իրեւ ժողովրդի ներկայացուցիչ ու կառավարող և նրա ձեռնհաս կամ անընդունակ լինելուց է կախված մի հօտի պաշտպանութիւնը գայլերից և այլն...

Եթէ վեղարը իրականապէս նշանակութիւն չունենար մեր ժողովրդի կեանքում, չը շփվէր նրա հետ և նրա գործը լինէր միայն, ինչպէս պ. Մալումեանն է ասում, «աղօթել վանքերում», այն ժամանակ ի՞նչ փոյթ մեզ որ վանքերի կիսակործան աւերակներում, բացի բուերից և չղթիկներից բնակութիւն են հաստատել և լցոսից փախչող մարդիկ... Որ վանքը ինչպէս մի հիմնարկութիւն, ինքն ըստ ինքեան, մեր հանգամանքներում, չէ խանգարում մեծ ծառայութիւն մատուցանել ազգին՝ զրան ապացոյց Աշտարակեցին, Վարժապետեանը, Ալիշանը, Այտրնեանը և շատ ուրիշ վանականներ, որոնց անունները օգտակար, թէկ համեստ զործիների թւին են պատկանում։

Զէ կարելի բայցարձակ պնդել որ յիշեալ անձերի գործունէութեան մէջ բնաւ նշանակութիւն չեն ունեցել վեղարի հետ կապված որոշ պայմանները, — մի գէպքում, օրինակ, օրէնքի առւած լիազօրութիւնը, իսկ միւս՝ զուր սյեր կլանող մանր մունր աշխարհային հոգսերից աղատ լինելը։ Մեր արգի աշխարհային կեանքը իր անարդար գոյութեան կուսով մի այնպիսի իդէալական բան չէ ներկայացնում, որ նրանից հեռանալը ինքն ըստ ինքեան արգէն պախարակելի լինէր, եթէ այդ հեռանալու նպատակն է ամբողջապէս նուիրվել ժողովրդի ծառայութեան կամ զիսութեան։ Ժողովրդին ծառայելու զաղափարով վառված մի լուսաւոր առաջնորդ պակաս օգտակար չէ, քան նյոնպիսի մի փաստաբան, ինժենէր, կամ բժիշկ։ Խրաքանչիւրը զործունէութեան իր շըրջանում կարող է և վնասակար լինել և օգտակար։ Իսկ թէ վեղարաւորը մեր իրականութեան մէջ գեռ ևս զործունէութեան ասպարէղ ունի, գտ փաստ է, որի հերքումը հակասութեան մէջ պէտք է զյի մեզ։

Սյդ պատճառով բոլոր հութեամբ դէմլինելով կղերական զերկայանութեան, այնուամենայնիւ համոզված ենք, որ ներկայ մեր պայմաններում վեղարը կարող է, հրաժարվելով իր դասակարգային շահերից և «աստուածաբանութիւնից», մեծ ծառա-

յութիւն մատուցանել մեր ժողովրդին, որովհետև զրա համար նա ունի իր ձեռքում այնպիսի միջոցներ, որոնցից շատ գէպքերում զուրկ է աշխարհականը: Ես չեմ առում, որ վեղարը միակ դործօնն է մեր կեանքի մէջ, այլ թէ նա ևս դործօն է:

Մարդկութիւնը, բայց առած անհաները, հաղարաւոր դարերի ընթացքում փոփոխել է իր աստուածներին, իր հաւատը, բայց թէ ե՞րբ նա ամբողջապէս կամ մեծ մասամբ իր աշխարհայեցողութեամբ Միլ կամ Իլնան կը դառնայ՝ այդ ուտօպիսաների իմանալու բանն է. իսկ մենք դիտենք, որ այժմ և գեռ երկար ժամանակ տիրելու են կարգեր, որոնք մեր իրական միջնավայրն են կազմում:

Թէե Եւրօպայում տիրում է քննադատելու կատարեալ աղատութիւն, թէե նրա անկախ ժողովուրդները շատ և շատ առաջ են գնացել, բայց համազելու համար թէ և այնտեղ եկեղեցին դեռ ևս զօրեղ ազդեցութիւն ունի կեանքի մէջ՝ բաւական է մի պառյա այդ երկիրներում...

Եկեղեցին իբրև որոշ մի կազմակերպութիւն դեռ ունի բաւական կենսունակութիւն. այդ կազմակերպութիւնը, ինչ պէս տեսանք, ժողովրդի հետ զործ ունի, ուստի անտարբեր լինել թէ ովքեր են այդ կազմակերպութեան անդամները՝ յանցանք է ժողովրդի բարօրութեան տեսակէտից: Մեզ համար չը պէտք է մի և նյոնը լինի թէ ովք է կաթողիկոս ընտրվել և ազգի մեծամասնութեան ներկայացուցիչ թէ ովք է Պօլսի պատրիարքը, ովքէ՞ր են առաջնորդներ թեմերում, ովքէ՞ր են սինօպի անդամներ, յաջորդներ, ժողովրդի հետ խօսող քարոզիչներ, վանքերի կալուածների կառավարիչներ և այլն և այլն: Այդ պաշտօնեաներից կարող է ազդի համար և չարիք և բարիք առաջանալ լուսաւորը, ազնիւը, դործունեան և ձեռնշանը՝ անպայման օգտակար են ժողովրդի համար և ընդհակառակը՝ շատ տուժել ենք և աւելի կը առւժենք տգէտ, աւաղակ, ծոյլ և մոքով ու կամքով անդամալոյն գառած վեղարաւորներից:

Արդ, ի՞նչպէս այս բոլորը իմանալով հանգերձ ինտելեկտներին իրան թոյլ ապանարատութեամբ ասել ժողովրդին. գնա խաչվեր անարժան հոգեսրական պաշտօնեաների ձեռքից, որովհետեւ մենք, ինտելեկտներներս, ոչ մի կերպ «չենք կարող և չը պէտք է» այդ գասակարգի մէջ մտնենք: Եթէ մեր ինտելեկտներին ամենից քիչ մտածում է հասարակական դործերի վրա, թողնելով նրանց պատահականութեան և իրերի բնական հոսանքին և վաճառականի նման մտածում է թէ սի bene, ibi patria *) (այդ պատրիան հասկանալով ոչ այնքան աեղազրական մոքով, որքան՝ գործունէութեան), եթէ նա չունի հասարակական խնդիրների մասին որոշ և հիմնաւոր համոզմունք և իրական պահանջներին համապատասխան տակտիկա, եթէ նա չունի տոկունութիւն ու եռանդ որոշ ծրագիր իրագործելու, — թող նա չը զարմանայ, որ վեղարն էլ այն չէ, ինչ կարող էր լինել: Իսկ թէ արդարեւ վեղարը կարող էր աւելի օգտակար լինել՝ այդ պարզ է թէ եղած օրինակներից, թէ մեր կեանքի ծանօթութիւնից և թէ, մանաւանդ, մեր եկեղեցու ընտրողական սկզբունքի խելացի գործադրութիւնից: Իսկ այդ սկզբունքի գործադրողը դարձեալ ինտելեկտներին է, որովհետեւ նա է ղեկավարողը, ժողովուրդը նրան է լուսում և նա ոչ միայն պէտք է ձեռքից բայց չը տայ այդ վրկարար սկզբունքը, այլ և մաքառին նրա խախտման դէպքերում:

1898 թ., Մայիս:

*) Ուր լաւ, այնակեղ հայրենիք:

Հնաղանդեցնելու ոչ միայն վեթխարի փղին, արիւնածարաւ վազրին և ամեչի առիւծին, այլ և անսահման բնութեան անսպառ ուժերը: Ո՞րն է, ասացէք, մարդկային մաքի այն աշուելի թշնամին, որը ինկվեղեցիայի անաջող փորձերից յետոյ՝ այժմ շղգի և էլեկտրականութեան դարում, սպառնում է նրան կաշկանդել...

— Տայ վարդապետի վեղարը, պատասխանում է մեր քաջ հակառակորդը, հայոց ողորմելի կղերը, ասում է նա:

Եթէ, ընթերցող չեկը սպասում այսպիսի ծիծաղելի վախճան և կարծում էք թէ լուրջ չէ մեր ասածը՝ այն ժամանակ առաջարկում ենք նորից կարգալ պ. Գ. Կ.-ի՝ իր տեսակի մէջ շատ նշանաւոր յօգուածը: Թէ ի՞նչ հանգամանքներ են ստիպել մեր քաջ ախոյեանին այդպիսի տարօրինակ չափազանցութեան դիմել կամ ի՞նչ պատճառներ են եղել նրա երեակայութեան մէջ այդպիսի հրէշաւոր ուրուականներ ստեղծվելուն՝ այդ, կարծում ենք, դժուար չէ հասկանալ, եթէ ի նկատի ունենանք մարդկութեան ապագայի համար պարոնի ունեցած երանելի տենչունքները... Ի հարկէ, այդ «համամսրդկային բարօրութեան» տեսակետից է, որ նա գեռես շարունակում է երկիւղ կրել կղերականութիւնից. մի ուղղութիւնից, որը վաղուց անշափահաններին վախեցնող խրդուիլակների շարքն է անցել և կորցրել է մարդկային հասուն, ազատ մաքի համար վտանգաւոր լինելու հնարաւորութիւնը: Ուրեմն, մեր պատուելին «հին-հին դարուց յիշատակ» մնացած կղերականութիւնից է սարսափում:

Արդարեւ, կար ժամանակ, երբ այդ հրէշը կաշկանդում էր մարդկային մաքի աղատ թռիչքները: Այդ եւրօպական աղգերի մանուկ շրջանումն էր: Կաթօլիկ կղերը մարդու անհանգիստ, համարձակ ողին իր բռունցքի մէջ պահելու համար՝ իշխանութիւն էր ձեռք զցել և նրա մարմնի վրա: Տոօմի քահանայապետը գտնել էր ոչ միայն «Փրկչի փոխանորդ», այլ և թագաւորների թագաւոր: Սակայն կղերի գերի գերի շխանութիւնը կամ կղերականութիւնը

V.

ԿՂԵՐԻ ԴԵՐԸ

«Մշակի» №№ 104 և 105-ի մէջ կարդացինք պ. Գ. Կ.-ի մեջ ուղած զայրացկոտ «բաց նամակը», և զարմացանք, տեսնելով որ «քաղաքակրթված եւրօպայում հարիւրաւոր պայմաններ կատարած» մեջ անձանօթ պարոնը մնացել է նոյն կրքոտ ասիացին, ինչպէս և երբէք եւրօպայի երեսը չը տեսած կինտօնները, որոնք առանց վերաւորական ձեռքի անկարող են մի բանի մասին վիճել: Մեջ թվում է թէ պարոնը իր մտածողութեան եղանակով շատ հետաքրքրական տիպ է... բայց թողնենք վեպասաններին դըաղվել այդ տիպով և առ այժմ՝ ծափահարենք պարոնի այն բուռն պատանեկան ողեւորութիւնը, որով նա (հոդ չէ որ անտեղի) դրուատում է արդէն անթիւ անհամար անդամ արձակ ու ոտանաւոր ձեռվ փառաբանված «լոյսն» ու «մարդկային առաջապիմութիւնը»: Սակայն այդ ի՞նչ սարսափելի վտանգ է սպառնում (մարդկային առաջապիմութեան) կամ ի՞նչ սեղեր են շրջապատել ձշմարտութեան արեգակի պայծառ «լոյսը», որ մեր քաջ զինուորը կտուրի վրա կանգնած և զէնքի տարօրինտէ շախեւնով ու խրոխտ գոչեւններով ուղում է պաշտպանել «լոյսն» ու «մարդկային առաջապիմութիւնը»... Այդ ի՞նչ սոսկալի ոյժ է, որը փորձում է ընկճել մարդկային հզօր միտքը, այն միտքը, որը չէ վախեցել աստուածների շանթերից, որը նուածել է ծովի կատաղի ալիքները, թափանցել է անսահման տիեզերքը, խորասուզվել է երկիւ միջուկը, որը մարդ արարածին ոյժ է տուել իր կամքին

տեղ մինչև եւրօպական մաքի չափահաս դառնալը։ Արա առաջին անկախ քայլերից արդէն սկսվեց տատանվել կղերի գերիշխանութիւնը, ապա բնիքօրմացիան և արևմտեան կայսերի մաքառումը պապերի դէմ՝ ջախջախեցին կաթօլիկ թէօկրատիայի տիրապետութիւնը։ Պապին մնաց միայն հառաջել՝ «աւազ փառացս անցաւորի» և ժողովելով իր «տէրութեան» ողբալի մացորդները՝ ապաստան որոնել մասսայի հաւատալիքների մէջ։ Այժմ էլ պապը ջանքեր է գործ դնում վերականգնել իր աշխարհական իշխանութիւնը, դրա համար նա օգտվում է կաթօլիկ եկեղեցու միջաղդային դիրքից, դրա համար նա զանազան երկիրներում իր կղերից և ջերմեռանդ հպատակներից կազմակերպում է բաւական զօրեղ կուսակցութիւն, որը սակայն դիտէ ժամանակի պահանջների հետ ընթանալ դրա համար պապը ստիպված է նախկին գոռող բռնակալից, — որի գոռն առաջ, բակում, զլիսարաց, ձիւնի վրա ոտարորիկ կանգնում էին նրա ցառումը իրանց վրա յարուցող կայսրները, — դառնալ ուրիշ բան. և Վատիկանի արդի ներկայացուցիչները միայն ճարպիկ դիպլոմատների գերով պէտք է բաւականան...

Բայց դիպլոմատիան էլ, ի հարկէ, ոյժ է. ուստի կղերականութիւնն այժմ էլ իր մասին խօսել է տալիս՝ թէ Խալիբայում, որի քաղաքական միութիւնը վերջ դրեց պապի աշխարհական իշխանութեան, որով և յարուցեց նրա բարկութիւնը. թէ Իրանդիայում, ուր նա ոգեսորում է կաթօլիկ մասսայի ազգայնական ձգտումները. թէ Գերմանիայում, ուր նա զեռ զօրեղ կուսակցութիւն է և, ի միջի այլոց, պաշտպան է հանգիստանում լեհացիների ազգային դպրոցներին, և թէ Ֆրանսիայում, ուր նրան ի նկատի պէտք է ունենայ ամեն մի նոր կառավարութիւն և այլն և այլն։ Ուստի եւրօպական լիբերալիզմը զեռ շարունակում է արթուն հսկել նրա վրա և, բայց դրանից, վաղուց այնպիսի խոզընդուներ է դրել կղերականութեան դէմ, որ դուրս դալ սոսկ հոգեորականի գերից նրան բաւական դժուար է։ Իսկ

սոսկ հոգեորականի գերը մէծ է լինում կամ փոքր նայած մասսայի զիտակցութեան չափին կամ զարգացման աստիճանին։ Ահա ամենատիպիկական և ուժեղ կղերականութեան ներկայ վիճակը։

Իսկ այլ եկեղեցիների կղերի գերիշխանական ձգտումների մասին իսկապէս չափմէ անգամ խօսել. այնքան նրանք թոյլ են, անսիստեմ ու անինքնութիւնն Յայտնի է, որ ոչ բողոքական, ոչ էլօրթօդօքս եկեղեցիները կարողացան մի ուժեղ կենտրօն ստեղծել և միջազգային դիրք, անկախ կազմակերպութիւն ունեցող մի կուսակցութիւն դառնալ։ Այդ եկեղեցիները շատ շուտ բաժան-բաժան եղան, և կամ ազգայնացան, կամ դառնան պետական հաստատութիւններից մէկը։

Այդպէս, հին ժամանակ անջատվեց յունաց եկեղեցուց հայոցը, բոլորովին ազգայնանալով. այդպէս գեռ մէր աչքերի առաջ ազգայնացան բօլգար, սերբ և բուլին եկեղեցիները, խզելով իրենց արդէն թոյլ կապը յունաց եկեղեցուց։ Եւ այդ եղաւ այն ժամանակ, երբ այդ ազգերն գտնվում էին խոլամի լծի տակ և ինքնավարութեան նշյլները միայն եկեղեցու միջոցով էին արտայացվում։ Այժմ ի հարկէ ուրիշ զործոններ աւելի աջող կատարումն ազգայն եկեղեցու նախկին գերը, ուստի կղերը չունի այն նշանակութիւնը, որ ունէր նա մինչև ազգային անկախութիւն ստանալը։

Այդպէս և բողոքական եկեղեցիները ամեն ազգի մէջ նրա բնաւորութեան համեմատ ձեւը ստացան։

Իսկ Սնդիմականութիւնը և Ռուսաստանում՝ օրթօდօքսութիւնը, հանգիպեկով զօրեղ աշխարհական իշխանութիւնների, դառնան պետական կրօններ և կղերը մտաւ պետական պաշտօնեանների շարքը։ Այդ երկրների թագաւորները դառնան և եկեղեցու զորւխ։ Ուրեմն, բողոքական և օրթօդօքս եկեղեցիները մի տեղ ենթարկվում են ժողովողի մէծամասնութեան ցանկութիւններին, միւս տեղ կախված են տիրող կառավարութեան բեմիմից։ Խօսել «կղերականութեան» մասին այս դէպերում կարելի է միայն որոշ պա-

րագաներում, իսկ ընդհանրապէս կղերը անկարող է իբրև առանձին գասակարգ կուսակցութիւն կազմել և ժողովրդից կամ պետութիւնից անկախ նպատակներ ունենալ, որովհետեւ նրա գերը կրաւորական է:

Ինչպէս տեսանք մի քիչ տարբեր բնաւորութիւն ունեն այն արելեան եկեղեցիները, որոնց հօտերը դեռ տառապում են մուսուլման թէօկրատիաների ձեռքում: Ուայան այդ երկիրներում ունի մի քանի ինքնավարական իրաւունքներ, որոնք սերտ կապված են նրա կրօնի հետ, ուստի կղերի կապը աւելի ևս զօրեղ է այդ երկիրների մասսայի կեանքում: Այդ է պատճառը որ Բալկանեան թերակղզու քրիստոնեաները ձգտումին՝ նախ քան քաղաքական անկախութիւնը՝ ձեռք բերել ազգային ինքնավուխ (աւտոկեֆալ) եկեղեցիներ: Բայց հէնց որ ջախջախվեց իսլամի բռնութիւնը եկեղեցին և կղերը թումինիայի, Սերբիայի և Բուլղարիայի համար կորցրեցին քաղաքական նախկին մեծ նշանակութիւնը, իսկ այլ գործոնները առաջնակարգ տեղ բռնեցին:

Իսլամն ազգութիւն չ ճանաչում, ուստի հայ-լուսաւորչականները, հայ-կաթոլիկները, հայ-բողոքականները թիւքիայում և Պարսկաստանում համարվում են առանձին տուանձին կը օնական համայնքներ: Վեղարն այդ երկիրներում, բայց սոսկ հոգեորական լինելուց, աշխարհական որոշ իշխանութեան ներկայացուցիչ է, նա ազգապետ է ճանաչվում: Ահա ցաւալի իրականութիւն, որը նախ պէտք է ընդունել, իբրև փաստ, իսկ յետոյ ովկարող է թող և անտես անի նրան ու գործի իր սիրած ճանապարհով: Այդ իրականութեան արտայայտութիւն են այն անթիւ թղթակցութիւններն մեր թերթերում այդ երկիրներից, որոնք «ազգային» նիւթի մասին խօսելս չեն կարողանում առանց հոգեորականների գործերը քննադատելու անցնել:

Ուրեմն ի՞նչ է դուրս գալիս, պ. Գ. Կ.: Ուրիշ ոչինչ բացի այն, որ կղերականութեան հարցում ձեր փոխ վերցրած շաբթօնները շատ են ընդհանուր և հեռու իսկութիւնից, որովհետեւ ներկայում նոյն իսկ ամեն-

զօրեղ կաթոլիկ կղերականութիւնը ոչինչ չէ կարող անել առաջադիմական գործօնների դէմ: Իսկ պապականութիւնից դուրս կղերը ոչ մի տեղ անկախ կուսակցութիւն չէ կաղմում, այլ կախված է մի տեղ ժողովրդի մեծամասնութիւնից, միւս տեղ պետութեան ընդհանուր բեժիմից, որոնցից դուրս այդ երկրներում կղերը հող չունի իր ոտերի տակ: Այդպէս ուրեմն՝ „Հե տաք սրածեն շերտ, եակ եց ու մայուտ“՝, և իւրաքանչեւր ժողովուրդ տարբեր պատմական հասարակական միջնավայրում է ապրում, ուրեն և կղերի դերը ամեն տեղ մի և նոյնը չէ:

Եթէ հարկաւոր լինի մէկին ցոյց տալ հայ մասսայի «անշարժութիւնը», գրա համար, կարծում ենք, բաւական կը լինէր մատնանիշ անել այն գեանափոր խրճիթները, որոնց մէջ նա այժմ էլ այնպէս է ապրում իր անային կենդանիների հետ միասին, ինչպէս երբեմն Քրիստոսից առաջ Քսենօֆօնն է նկարագրել հայերի կեանքը: Տեղը չէ քննել հայի «անշարժութեան» բռն պատճառները, յամենայն գէպս կղերը չէ, ինչպէս ասում է պ. Գ. Կ.: Նա էլ գուցէ որոշ մաս ունեցել է բայց այդ մասնակցութիւնը համեմատած այլ պատմական ու աշխարհագրական գործօնների հետ՝ շատ նշին է և դեռ ովքիան, եթէ կղերի դրական և բացասական նշանակութիւնները գումարենք, գույցէ և աւելին դրականի կողմը կը լինի, քան թէ բացասականի:

Սակայն գառնանք մեր քաջ ախոյեանի «արամաքանութեան»: Անչափ ահ կղելով կղերից՝ պ. յօդուածագիրն իր բոլոր զայրցիթն ու թոյնը թափում է մեղ վրա, կարծելով որ մենք նրա «պաշտպանն» ենք և «գործով» չենք ուղում մաքառել նրա գէմ չենք «ցաւում» տեսնելով կղերի ազգեցութիւնը և այլն և այլն: Այդ երկար և ոգեորված մեղադրական ճառից յետոյ պէտք էր հետեցնել, որ ինքը պ. Գ. Կ. ոչ միայն «խօսքով», այլ և «գործով» ուղում է մաքառել կղերականութեան դէմ: Այդպէս է մեր՝ հասարակ մաշկանացուներիս լողիկան, բայց պարոնի «արամաքանական ճանա-

պարհը» տարօրինակ՝ եղակացութեան է հասցնում: «պէտք է մի կողմնետել կղերի հարցը», նրանով չը զբաղվել: ուրեմն թողնելը որ Ալլահն ինքը կամ ճակատազիրն անեն իրենց զիտցածը: Աշակեզ և «գործով» մաքառում...

Իսկապէս եթէ մի կողմ թողնէք պարոնի յօդուածուս ոլոր-մոլոր, կողմանակի պտոյտները, հակառակորդին իր զլսից հնարած բաներ վերազրելու տգեղ սովորութիւնը և լերիկական զեղումները, մասամբ էլ սրախօսութիւնները, տակին կը մնան վերև յիշածի նման «տրամաբանական» գոհարներ: Հետաքրքրական է այդ գոհարների այլ նմուշների հետ ևս ծանօթանալ:

«Դուք կարծում եք, ասում է մեր հակառակորդը իբր թէ ինսելեղենցիան է կառավարում մասսան, մինչդեռ իրականութեան մէջ առաջինը հետեւում է վերջինի տրամադրութեան, առանց որին նա մի քայլ անդամ չէ կարող անել»: Սյդ խօսքերից յետոյ պէտք էր սպասել որ եթէ պարօնն առաջարկում է «մի կողմնետել վեղարի հարցը»՝ նա այդ անում է լաւ տեղեկացած լինելով «մասսայի տրամադրութիւնից», և եթէ մենք հակառակն ենք առաջարկում, զնում ենք մասսայի ցանկութեան դէմ և մեր քէֆով արուեստական, պարապ հարցերով ենք զբաղված:

Տեսնենք որքան հաստատ է պարօնը այդքան մէծ ապլօմբով ի լուր աշխարհի յայտնած իր «աշխարհայեցողութեան մէջ»: «Մշակը» № 109-ի մէջ յայտնում է հետեւելը, քաղելով այդ Պօլսի թերթերի կիսաձայն «մրմունցներից»: — «Փոքրիկ, համեստ ձայները զալիս են գաւառներից և ամենքը մի և նյժն լեզուն ունեն. երկու կամ երեք բառով, շատ անդամ հառաջանքի մի մի հատ շեշտով նրանք ձեղ տալիս են հարիւրաւոր ցաւերի անուն... Եւ այդ բոլոր տեղական մանր թէ խոշոր պակասութիւնների վրա տարածված է մի ընդհանուր, համատարած հեծեծանք — մարդ չը կայ, մարդկանց կատարեալ սովէ է: Ի՞նչ տեսակ մարդիկ են դրանք, որոնք այնքան հարկաւոր են թշուառացած գաւառներին, բայց որոնք չը կան, չեն ձարվում: Ժողովուրդը տալիս է այդ

մարդկանց անունը: Բանից գուրս է զալիս, որ կղերի, ի հարկէ, պարտաճանաչ բանիմաց կղերի սովն է, որի մասին այնքան միաբան և միահամուռ աղաղակներ են տարածվում»:

Այժմ պ. Գ. Կ. իր տեմպերամենտին յատուկ տօնով երեխ, կը դիմի «մասսային», ասելով: — «Գլուխդ քարով եւ տալիս, անբան մասսա, այդ ի՞նչ միջնադարեան մարդիկի ես գու պահանջում: Ես քեզ առաջարկում եմ մի կողմ թողնել գրանց և համաշխարհային, վեհ խնդիրներով երազողներին հրաւիրել. գու պէտք է սովորես օգտվել մեծ ու փոքրի մէջ խարութիւն չը գնող զիտութեան կոնցերտից»: Եւ շուրած մեր մասսան այդ բոլորից միայն մի բան կը հասկանայ, որ իբրև թէ «խարութիւն չը կայ մեծի ու փոքրի» մէջ, մինչդեռ իր կաշէի վրա նա դարերի ընթացքում ի սկզբանէ անտի, փորձել է և զիտէ որ «խարութիւն» գժբախտաբար կայ «մեծի և փոքրի», «հզօրի և թոյլի մէջ»... Պարօնի յիշած անմահ Դարվինն էլ զգութեան կուի իր օրէնքով նոյնն է հաստատում.. Եւ իրականութիւնն այն է, որ մշեցի Մկօն չէ կարող օգտվել զիտութիւնից, ինչպէս Պարիզի Միշելը... Սյո՛, խարութիւն կայ. ցանկալի է, որ չը լիներ, բայց կայ և ձեր գելլամացիաները մազի չափ չեն փոխում այդ իրական անհաւասարութիւնը: Դառն իրականութեան մէջ զանազան ժողովուրդների գցութեան պայմաններն իրար նման չեն, ինչպէս նման չէ և նրանց զարգացման աստիճանը: Սյդ պատճառով որոշ ժամանակ, որոշ հանդամանքներում մէկ ժողովրդի համար նշանակութիւն ունեն այնպիսի պահանջներ, որոնք միւսի համար կամ վազուց անցել են կամ գեռ ևս հասունացած չեն: Ժողովուրդների կեանքը բազմաթիւ գործօնների շատ բարդ կօմբինացիաների արդիւնք է, ուստի առանց լուրջ և բազմակողմանի ուսումնասիր ու թեան այնքան էլ հեշտ չէ խելացի տակտիկ առոշել, վճռել՝ «թէ ի՞նչ պէտք է անել», այլապէս խելօք թութակները շատ մեծ զերեր կը կատարէին... Սուանց ինքնուրոյն մտածողութեան, առանց ուշք գարձնելու իւրաքան-

չեւր ժողովրդական կեանքի առանձնայատուկ պայմաններին, չէ կարելի աջող գործ առանել, բաւականանալով ուրիշ կեանքից փոխ վերցրած շարլօնական, պատրաստի գեղատումների (բեցեպաների) գործադրութեամբ. այլապէս յօնքը շինելու տեղ, կարելի է աչքն էլ հանել...

Եւրօպական ժողովուրդների կեանքում այժմ, օրինակ, վայրենութիւն կը համարվէր վիճել թէ ազնիւ, կրթված հոգևորականը աւելի օգտակար է, քան տգէտն և շարագործը: Գլագատօնի մաքով անգամ չը կարող անցնել, որ իրան կը մեղադրեն, թէ ինչու իր ազնիւ, կրթված որդին քահանյութիւն է անում, կղերական է... բայց մենք «Երկրագնահիս երեսին դեռ չը տեսնված հրաշք ենք», և դլուխ ենք կոտրում «լաւն է լաւ, թէ վատն է լաւ» խնդրի վրա: Ժողովուրդը պահանջում է այն, ինչ որ լաւ է համարվում, իսկ նրան ասում են. «այն լաւը քեզ ձեռնտու չէ, վերցրու վատթարը»: Եւ այդ բոլորը դարձեալ կղերականութեան երկիւղից:

Մենք չենք ուրանում, որ ռուսահայերիս կեանքում, Մակար կաթողիկոսի օրով, նկատելի ցժ ստացաւ մի արուեստական հոսանք էջմիածնում: կաթողիկոսի շուրջ խմբած մի քանի «ուսեալներ», Օրմաննեանի օրհնութեամբ, ձեռնարկեցին պատրաստել մեր ժողովրդական եկեղեցու համար մի նոր պատուաստ. կղերական գերիշխանութիւն քարոզող նոր սերունդ: Մեր բոլոր եկեղեցական գործերում այդ օտարամուտ պատուաստը շուտով մոցրեց այնպիսի խառնաշփոթութիւն, որ Թիւրքիան անգամ կարող էր նախանձել... Խրախուավելով այդ «նոր» սկզբունքից, այն տգէտները՝ որոնք մինչև այդ ժամանակ քաշվելով էին մութ գործեր կատարում, սկսեցին այնուշեակ իրենց զաղեր արարեները «ուսեալներից» սերտած «կղերի գերիշխանութեան» սկզբունքով ծածկել: Այդ սկզբունքը ասում էր թէ բաւական է, որ մէկը զլիին վեղար ունենայ, ուսերին փարածայ, որ լիազօրութիւն ստանայ առանց ժողովրդի կամքին նայելու և առանց արդարութեան ձայնը լսելու, ինքնիշխան կարգադրել դպրո-

ցական, եկեղեցական, քահանայական, կալուածական, ամուսնական և այլ խնդիրները, ըստ իր անքննագատելի հայեցողութեան: Աչա այն կղերականութիւնը, որը պատուասավեց և շատ չարիքների պատճառ եղաւ, զլիաւորապէս ժողովրդի հասկացող մասի վարանող և անհաստատ ընդդիմագրութեան շնորհիւ: Թիւրքահայոց կեանքում, ուր ժողովուրդն է ընտրում պատրիարքին, առաջնորդներին և յաջորդներին, և ինքը ժողովուրդն է զրանց հրաժարեցնում, կղերն իսկապէս անկարող պէտք է լինէր յիշած ուղղութիւնը արտայայտել այդ պատճառով էլ «կղերականութեան» մասին խօսել այնաեղի համար, նշանակում է ընդգծել մասայի անզիտակցական վիճակը: Բայց զրա դէմ գարձեալ լսվում է պ. Գ. Կ.-ի ձայնը:

«Վեղարը, ասում է յօդուածագիրը, չէ կարող հրաժարվել իր դասակարգային շահէրից. իսկ հակառակ պարագային դա կը լինէր երկրագնատիս երեսին չը տեսնված մի հրաշք»: Այլ խօսքերով և ուրիշ տեսակէտից պարոնը հաստատում է նոյնը, ինչ որ մինչև այժմ էջմիածնի յայտնի «գործիները», և ինչ որ լսում էինք զանազան կիւրեղներից ու կարապետներից: Մակայն տեսնենք արդեօք պարոնի զարդարուն նախագասութիւնը ակսիօմա կամ զուտ ծշմարտութիւն է, թէ... սիրամարդի փետուրներով գեղեցկացած մի ողորմելի ագուաւ:

Պարոն յօդուածագիրը ինչպէս երեսում է շփոթում է երկու տարբեր հասկացողութիւններ. պաշտօն կամ գործունէութիւն և շահասիրութիւն կապված այդ պաշտօնի հետ: Պարզենք տարբերութիւնը մի օրինակով որը վերցնենք աշխարհական, դասակարգի օրինակ, բժշկների նկատմամբ: Բժշկի գործն է, ուրեմն և պաշտօնը բուժել հիւանդներին, իսկ նրա «դասակարգային շահէրն» են՝ ունենալ շատ հիւանդներ, ստանալ մեծ վարձատրութիւն, դէմ լինէլ ձրի հիւանդանոյներին, պահանջել բժշկների համար զանազան արտօնութիւն և այն: Ինչպէս տեսնում էք բժշկի այդ «դասակարգային շահէրը» ուղղակի հակառակ են հաստրականին. բայց կարգին, ազնիւ բժիշկը ներկայապայմաններում

անդամ խոյս է տալիս այդ շահերից։ Կարող է մի զեղեցիկ ու երջանիկ օր բժշկութիւնն ստանալ այնպիսի ձև, երբ ամեն մի մարդուն համայնքը ձրիաբար կը տայ ամենալաւ բժշկութիւն, երբ բժշկութիւնը լայն հասարակական ձեռնարկութիւն կը դառնայ, և համայնքից ապահովված բժշկներն առիթ չեն ունենայ՝ «գասակարգային շահեր» և հայի խնդրից դրդուած՝ հիւանդների մէջ խնարութիւն գնել. չեն երկարացնիլ տկարութիւնը... Ուրեմն, կարող են ժամանակով «գասակարգային շահերը» համարեա ոչնչանալ թէւ պաշտօնը, բուժելը կը մնայ, քանի դեռ հիւանդանալը մարդկային բնութեան թոյլ կողմերից մէկն է։ Այս օրինակի անալոգիայով կարելի է եղակացնել, որ կարելի է վերացնալ հոգեորական պաշտօնի հետ կապված «գասակարգային շահերը», թէւ հոգեորական կոչումը կը մնայ, քանի որ մարդկային մասսաները ունեն հաւատա...

Վերցնենք, օրինակ, մի առաջնորդ, որը աւելի միջոցներ ունի արտայայտել «գասակարգային շահեր»։ Առաջնորդի գործը, պաշտօնը՝ թէմ կառավարելու մէջ է կայանում, ուրեմն պէտք է ունենայ նա վարչական ընդունակութիւն և՝ յայտնի զարգացում և աղնւութիւն։ Սրդ, կարող է նա, այդ վեղարաւորը, կատարել ստանձնած պաշտօնը, «հրաժարվելով գասակարգային շահերից», թէ ոչ Մեր հակառակորդի կարծիքով հրաշք կը լինէր, եթէ նա հրաժարվէր իր «գասակարգային շահերից»։ Բայց որո՞նք են մեզանում այդ շահերը, որո՞նցից իբր թէ առաջնորդը կարող չէ հրաժարվել—որչափ կարելի է շատ տղէտ քահանաներ ձեռնադրել թեմի զպրոցները կամայական կերպով զեկավարել վանքապատկան կալուածները անկօնարօլ կառավարել կաշառքով հասընար կարգադրել ժողովրդի վրա անսահման տիրելու լիազորութիւն ունենալ և այլն։ Այդ բոլոր ձգտումները հակահասարակական են և դէմ ժողովրդի շահերին, ուրեմն և նրա (ժողովրդական) եկեղեցուն, բայց, ասացէք, այս քաջադործութիւններից ո՞րն է բղիում հէնց «վեղարի տակից»։ չէ՞ որ

զրանք զեղծումներ են, իրաւագանցութիւններ, որոնց գէս պէտք է մաքառի ինքը հասարակութիւնը. իսկ մեր կղերի «գերիշխանական ձգտումները» ոչ անկախ պատի վրա են հիմնված, ոչ էլ առանձին կղերական զօրեղ կուսացութեան պաշտամանութիւնից կախված, որովհետեւ ժողովուրդը ճշուացնելու այս առաջնորդութիւնը կը մարդարացնի կաթողիկոս։

Ուրեմն, ինչպէս ինքը հասարակութիւնն է միջոցներ ձեռք առնում մի բժշկի կամ այլ աշխարհական պաշտօնեայի գասակարգային շահերի հակահասարակական արտայայտութիւնների դէմ, այնպէս էլ ինքը հասարակութիւնը կարող է սահմանափակել վեղարի կամայականութիւնները։ Ինչպէս բժշկութիւնը չէ վեասվում, այլ աւելի ևս օգտագում է, երբ սահմանափակվում են բժշկների գասակարգային շահերը, նոյնպէս և, օրինակ, մի առաջնորդի գործունէութիւն աւելի օրինական և արգիւնաւոր է դառնում; երբ սանձահարվում են նրա կամայականութիւններն ու անձնական շահերը։ Բայց, ի հարկէ, տուելք հնարաւորութիւն թէ բժշկին, թէ ինժենէրին, թէ վեղարին՝ անխափան անել ինչ որ ձեռնաու է իւրաքանչիւր գասակարգին և կը ստանաք մի կացութիւն, ուր մէկը միւսին կուտի։

«Բայց ուր մնաց աստուածաբանութիւնը», հարցնելու է մեզանից պ. Գ. Կ., «չէ՞ որ վեղարը չի կարող հրաժարվել աստուածաբանութիւնից նոյնպէս, ինչպէս բժիշկը—բժշկութիւնից, ինժենէրը—ինժենէրութիւնից և այլն։ Սրա դէմ ի՞նչ կասէք»։

Եթէ ձեր ասածը ձիշը լինէր, պ. Գ. Կ., այն ժամանակ ոչ թէ Մահակները, Մեսրոպները, Ներսէսները, Աշտարակեցին, Վարժապետեանը, Ալեշանը, Այտընեանը, Իզմիրլեանը և զրանց նմանները պէտք է մեր հոգեորականութեան պարծանք լինէին, այլ այն նոր տիպի մեր «աստուածաբան-վարդապետները», որո՞նց հոչակը այնքան տխուր է։ Եթէ ձեր ասածը ձիշը լինէր՝ լաւ բարողիներ չէին համառվելու մի Խորէն

Ստեփանէ կամ Խրիմեան վարդապետ, որոնք «աստուածաբանութեան մէջ» (ի պատիւ զրանց պէտք է ասել) բորիկ են, այլ զանազան «աստուածաբան» Օրմանեաններ և Կարապետ վարդապետները: Եթէ ձեր ասածը ճիշդ լինէր՝ ամեն մի կաթողիկոսից, պատրիարքից, առաջնորդից, յաջորդից և քարոզից նախ և առաջ «աստուածաբանութիւն» կը պահանջվէր: Եթէ ձեր ասածը զուտ ճշմարտութիւն լինէր, այն ժամանակ պէտք է ընդունէինք որ համայն աղզը սխալվել է շատ այնպիսի արժանաւոր հոգեորականներին լաւ վեղարաւորների շարքում դասելով, որոնք երբէք «աստուածաբանութեամբ» չեն պարապել, երբէք չեն զործագրել ձեր ոչ տէրաէրական և ոչ այլ աստուածաբանութիւնը: Եթէ աստուածաբանութիւնը նոյնքան անհրաժեշտ լինէր վեղարաւորի համար, որքան բժշկութիւնը՝ բժշկի, այն ժամանակ ոչ աստուածաբան հոգեորականներին, օրինակ՝ Վարժապետեանին, Ալեշանին, Իզմիրլեանին և այլն, պէտք է հաշվինք կղերի ամենավատ ներկայացուցիները, ինչպէս բժշկութիւն չիմացող բժիշկը այդ դասակարգի ամենավատ ներկայացուցին է, մի գիւղական «գալլաք» է և ոչ պատուելի էսկուլապ: Բայց իրականին մէջ վեղարն «առանց աստուածաբանութեան» էլ փառաւորապէս զործ է տեսնում և ոչ ոք չէ հետաքրքրվում: թէ ինչու արժանաւոր հոգեորականները «աստուածաբանութեան» մէջ ձեր «ասէկոսէրինից» դէնը չեն դնացել... Տէրտէրն իր ծէսերն է կատարում առանց աստուածաբանութեան, քարոզին առանց այդ «աստուածաբանութեան» տեղի կենզանի, սրտառուչ և ժողովրդի ցաւերին մօտ լեզուով է խօսում: առաջնորդը, պատրիարքը, կաթողիկոսն առանց նրա ժամանին մտածելու անդամ կարող են հիանալի կերպով իրենց գործերը կատարել:

Բայց ինչու է այդպէս ինչու գիտութիւնը և աստուածաբանութիւնը նոյն լօգիկական եղբակացութիւնների չեն հասցնում ձեզ: Որովհետեւ մէկից՝ գիտութիւնից՝ միայն կարելի է այս կամ այն մասնագիտական դործունէութեան

Համար անհրաժեշտ չմտութիւնը ձեռք բերել մինչդեռ աստուածաբանութիւնը, եթէ կամիք, մետաֆիզիկական փիլիսոփայութիւն է, որից, վերջ ի վերջոյ մի հանձարեղ Սպինօզա էլ հաստատապէս նոյնչափ բան կարող է ի մանաւ Աստուածոյ էութեան մասին, որքան և «Արարատի» անշնորք «աստուածաբանները». իսկ զործ տեսնելու համար այդ վերացականութիւնը անպէտք է... Այնէլ պէտքէ ըստ մոռանալ որ խոր հաւատքը կարողէ լինել մարդու սրտում, առանց աստուածաբանութեան և քաղդէհրէական մնահաւատութիւններին, օր. Լ. Տօլստոյի հաւատը...

Ինչպէս մեր կղերի, այնպէս և մեր վանքերի տէրը ինքը ժողովուրդն է: Մեր վանքերն իրենց ընդարձակ կալուածներով ու հարստութիւններով աղջային սեփականութիւն են: Մեր ժողովուրդը գարերի ընթացքում ամբարել է այնտեղ իր խնայողութիւնները, որոնք պէտք է զործադրվեն նրա ու օրերում, որոնք պէտք է ծառայեն ժողովրդի բարօրութեան համար և ոչ փարածաւորների վեղիսութեան: Եթէ ժողովուրդը զիտակցօրէն չէ ըմբռնում իր իրաւունքները՝ հասկացրէք նրան, բայց ոչ թէ աւելի ևս պղասրէք նրա միտքը: Ի հարկէ, շատ և շատ ուրախ կը լինէր մեր կղերի մեծ մասը, որ վեղարի հետ «մի կողմ նետուէր» և վանքերի հարցը, որովհետեւ նա, այդ մասը, այնքան գործնական խելք ունի, որ գիտէ թէ «մի կողմ նետելը» դեռ չէ նշանակում «վերացնել մի դասակարգ և նրա հետ կապված բոլոր հաստատութիւնները»: Այդ անելու համար ոչ միայն Գ., Կ., այլ և տասը հերթուլէսներ միացած նշյնքան Սամանների հետ, առանց մասսայի միահամուռ ցանկութեան, առանց արտաքին նպաստող պայմանների, ոչինչ չեն կարող անել. ուրեմն հակառակ ձեր ցանկութեան կղերը կը մնայ, կը մնան և վանքերը, միայն թէ թողված իրենց վիճակին, իրենց սեփական կամքին: Ի՞նչ կուզէ գայլը — մութ գիւղը և թմրած հովեւներ: Ի՞նչ կուզէ անարժան հոգեորականը՝ մի բան — հասարակութիւնը չը խառնվի նրա գործերում, մամուլը

ըս մերկացնի նրա պակասութիւնները և անեն իրենք ինչ կամին...

Բայց պ. Գ. Կ. Ն դարձեալ նոր «անշերքելի ճշմարտութիւն» է գնում մեր բոլորիս առաջ, համեմելով այդ ինքնակ ենսագրական ակնարկներով... նա ասում է՝ կղերը եթէ ուղենայ էլ խկական ծառայութիւն ցոյց տալ ժողովրդին, նա այդ չէ կարող անել որովհետեւ ոչ միայն Թիւրքիայում, ուր եղել է պարոնը և շատ բան տեսել այլ և ամեն տեղ կան կղերի առաջ, անյաղթելի խոշնուղուներ, որոնք իրեւթէ վերանում են աշխարհական «սփոփիչների» դիմաց: «Եթէ, ասում է պարոնը, մեր սակաւաթիւ ինտելեգենցիայի մի մասը զլիսին վեղար գնի, միւսը եկեղեցու հետ կապված զանազան ընտրութիւններով զբաղվի, (ինչպէս այդ արաւ 1892 թ. Գրիգոր Արծրունին իր համախոհներով)` ի՞նչ կը մնայ տակին. դա նշանակում է ուժերը ջլատել»: Կարծես «ընտրութիւններն» են խանգարում այլ հասարակական գործերին նույիրվելու, կարծես վեղարից կամ ցիլինդրից է կախված էզօիստ թէ ալտրուիստ լինելը, կարիերիստ թէ հասարակական գործիչ գառնալը. կարծես եթէ չը լինեն այդ «ընտրութիւնները», կը փոխվեն այն տիպի ինտելեգենաները, որոնք նի Եօց շենքու, նի շենքու...

Ուրեմն, պ. Գ. Կ., ի՞նչ է մնում ձեր «նամակից», երբ մի կողմ շպրտենք խնդրին չը վերաբերող մասերը: Միայն այն՝ որ դուք էլ մեզ հետ ընդունում եք, որ կղերը դեռ ևս գործոն է. մի բան, որ մենք առանց ուրախանալու կամ տրտմելու, ուղղում էինք ապացուցանել, իրեւ սոսկ իրական փաստ: Բայց դուք աւելացնում եք, թէ կղերը միայն բացառական գործոն է, ուրեմն՝ չարիք է: Մենք այդ չափազանցութիւն ենք համարում հէնց ձեր սեփական սկզբ բունքի հիման վրա. մասսան այնքան բթամիտ, անբան չէ, որ իր յօժար կամքով պահպանի բացարձակ չարիքը. ով է ստիպում ազատ չվեցարացուն կամ եանքին դեռ պահպանել եկեղեցիները և, չը բաւականալով դրանով, միսսի-

օնարներ էլ ուղարկել Թիւրքաց հայաստանի նման գժոխըթ: Ուրեմն պէտք է ընթաղբել որ մի բան կայ մասսայի հոգում մի պաճառ կայ, որ ամենաազատ երկիրներում անգամ եկեղեցին շարունակումէ ապրել:

Բայց ընդունենք որ կղերը բացարձակ չարիք է. ունէք դուք բոլոր եւրոպական ինտելեգենցիայի միահամուռ ջանքերից աւելի մեծ կարողութիւն՝ արմատախիլ անելու այդ չարիքը: Իսկ եթէ ոչ ի՞նչ էք առաջարկում անել:

Մենք արդէն տեսանք ձեր «մաքառման» նշանաբանը— «մի կողմ նետել այդ հարցը» և այլ բաների մասին մտածել: Բայց դիցուք թէ ձեր այդ առաջարկն էլ ընդունեց ինտելեգենցիան (մասսայի տրամադրութիւնը այս գէպքում ձեղ ձեռնառու չէ) և հեռացաւ, թողնելով ժողովուրիք, նրա եկեղեցին և դրա հետ կապված բոլոր հաստատութիւնները անարժան կղերի լիակատար տրամադրութեան տակ, և ասպարէզը մնայ «տղէտներին, աւտաղաներին ու դատարկապորտներին». ի՞նչ էք վասարակում գուք ստեղծելով մի նոր Արշակաւան՝ ի մեծ ուրախութիւն հասարակութեան տականքի: Ի՞նչ էք վաստակում գուք առաջաղիմութեան համար՝ գէմ լինելով մեր նախորդ յօդուածի այս խօսքերին. «Եկեղեցին իրեւ որոշ կազմակերպութիւն գեռ ունի բաւական կենսունակութիւն. այդ կազմակերպութիւնը ժողովը գիտ գործ ունի, ուստի անտարբեր լինել, թէ ովքեր են այդ կազմակերպութեան անդամները՝ յանցանք է ժողովը բարօրութեան տեսակէտից: Մեզ համար չը պէտք է մի և նոյն լինի թէ ովք է կաթողիկոս, պատրիարք, առաջնորդ... և այն, որովհետեւ այդ պաշտօնեաներից կարող է ազգի համար և չարիք բացառական լուսաւորը, ազնիւը, գործունեան և ձեռնհամար՝ անպայման օգտակար են ժողովը համար և ընդհակառակը՝ շատ տուժել ենք և աւելի կը տուժենք տղէտք ապէտ, աւազակ, ծոյլ և մաքով ու կամքով անդամալցն դարձած վեղարաւորներից»:

Ո՞րը աւելի կը թեթևացնի ժողովը բեռը. մեր, թէ՝

ձեր առաջարկը որի իրազործումով դուք նրա ոտերից կապում էք մի ապականված, վարակիչ և ախտաւոր գիտ և յետոյ ասում: «ԴԵ այժմ քալէ՛, քալէ՛ մարդկային առաջադիմութեան ճանապարհի վըա»...

Ձեր այդ արածը մեղ առասպել է յիշեցնում: Ծնվել էր, չէր ծնվել մի երկում մի զարմանալի երկուորեակ. իրար մէջքից կապած երկու եղբայրներ, այնպէս որ մէկը առանց միւսի համաձայնութեան և աջակցութեան չէր կարողանուա աղատ շարժ գել:

— Միթէ կարող է լինել աւելի վատ դրութիւն, քան այդ, մտածում էին տեսնողները:

Սնցնում են տարիներ. երկուորեակներից մէկը (ըստ զիտենք ինչ քամու ազգեցութեան տակ) մտածում է անպատճառ ազատվել իր ընկերից և... մեռյնում է նրան: Միայն այդ տանցանքը կատարելուց յետոյ է նա հասկանում, որ այժմ իր դրութիւնն աւելի ևս անտանելի է, որովհետեւ նա ստիպված էր այնուհետեւ իր մէջքի վրա կրել մի նեխված գիտ, որը թունաւորում էր նրա կեանքը ամեն օր, ամեն ժամ...:

1898 թ., Յուլիս:

VI.

ԿԵԱՆՔԻ ՔՆՆԱԴԱՏՈՒԹԻՒՆԸ

Եթէ կայ մի հաստատութիւն, որի համար ոչ մի նշանակութիւն չունի մամուլը՝ այդ, ինչպէս տարաբազգաբար անթիւ փաստերն են ապացուցանում, մեր նահապետական կամ աւելի ճիշդ՝ անկարգ հոգեոր կառավարութիւնն է: Տարիների ընթացքում հայրնակ զաւառներից ժողովրդի յաւերին ականատես թղթակիցները հրապարակ են հանում մեր հոգեորականութեան վերին աստիճանի անձեռնշաս ու անհոգ վերաբերմունքը դէպի իր հօտի կարիքները. տարիներով հրապարակախօսութիւնը՝ որքան ոյժ և միջոց ունի, քննադատում է մեր այդ «իշխանութեան» յանցաւոր ապատիան. սերունդ սերնդի ետելից գերեզման է մանում՝ բազդ չունենալով գէթ մասամբ իրագործված տեսնել այն միջոցները, որ առաջարկել են մեր գործիչները, և այն ծրագիրները, որոնց զլուխ բերելու համար մեր հոգեոր իշխանութիւնը՝ միայն պէտք է պատշաճաւոր պատրաստութիւն ու անձնութիւն ունենար, և թողնէր հին՝ անձնիշխան, անկարգ ու նահապետական բեժիմը և նոր՝ օրինական ու կանօնաւոր ընթացք տար իր գործերին: Սակայն, ինչպէս ամենօրեայ դէպքերն են ցցց տալիս, ժողովրդի զանգատները, մամուլի քննադատութիւնը, ինտելիգէնցիայի սպասելիքներն և զործիչների ծրագիրները մեր կուսակրօն հոգեորականների համար նոյնքան նշանակութիւն ունեն, որքան հայի ցաւը չինացի մանգարինների համար: Եւ վհատեցուցին այն է, որ մեր նորընծայ կուսակրօնները իրենց զաղափարներով ոչնչով չեն տարբերվում Հներից: Ճիշդ է, չին խալիֆայական «Փառանդաւորաց» դպրոցից դուրս եկած վեղարաւորներին վոխարինում են էջմիածնի ձեմարանում կամ Արմաշի վանքում աւարտած «շնորհունակները» և «բարձրապատիւները», որոնք

գաստիարակվել են ու կրթվել մեր «Երևելի» աստուածաբանների, հայկաբանների և մանկավարժների ձեռքի տակ. բայց մեր հոգեոր «իերարխիայի» գործունեութիւնը՝ ժողովրդի շահերի տեսակետից, այժմ ևս նշյնչափ բացասական է, որչափ հնում. որովհետեւ ժողովրդի կենսական յաւերի համար բնաւ կարևորութիւն չունեն՝ ոչ միջնազարեան պարապ վէճերով բռնված մեր նոր «աստուածաբանները», ոչ էլ կեանքի փափկութիւնը սիրող թերուս և մի և նոյն ժամանակ մեծամիտ փարաջաւոր նոր կարիերիսանները: Այսպէս է վկայում կեանքը:

Այն ժամանակ, երբ հեռաւոր երկիրներից գերմանական պատորները, կաթօլիկ կրօնաւորները և ամերիկացի միսիոնարները, թողնելով իրենց բաղդաւոր հայրենիքը, շատապում են մի այնպիսի աւերփած երկիր, ինչպէս Թիւրքաց հայտանն է, և այդ թշուառ աշխարհում մի տեղ տկլոր-քաղցած հայ որբերին են խնամում, միւս տեղ անառուն ու թալանած հայ շինականին են օգնում երրորդ տեղ ուսումնարան են բանում. այն ժամանակ, երբ մի Սինակուկիյ քահանայ գաղափարի համար յանձն է առնում գնալ մի այնպիսի խուլ և ռուսի համար խորթ միջնավայրում գործել ինչպէս Ուրմիան է. այն ժամանակ, երբ էջմիածնի համարեա քթի տակ, Ասրպատականում, ամբողջ գաւառներ ֆնում են անհովիւ, առանց քահանաների, յաջորդների, առանց ուսումնարանների և՝ առհասարակ առանց որ և է օգնութեան մեր հոգեոր իշխանութեան կողմից—ահա այդ իսկ ժամանակ մեր «ուսեալ» սարկաւագներն ու վարդապեսները, մոռանալով ժամանակի պահանջներն ու ժողովրդի ներկայ վիճակը, կամ փախչում են գաւառներից և համալսարաններում «ազատ ունկնդրութեամբ» իրենց ապագայ կարիերը շտկում, կամ թէ ապահովելով իրենց ապրուսաը վեղարով, զբաղված են այնպիսի անմեղ ժամափանառութնամբ, ինչպէս «Աստուածածնայ վերափոխման» մասին վէճն է...

Անշուշտ էջմիածնի գործերի համար շատ հարկաւոր են և փորձված իրաւաբաններ, մեր այժմեան տղէտ «արլա-

կատ» իւրիսկօնսուլտների փոխարէն, հարկաւոր են և բանիմաց գիւղատնուտեսներ, մեր այժմեան ինքնուս վանահայրերի կամ յափշտակինների փոխարէն, անհրաժեշտ են և մասնագէտ ուսուցիչներ. բայց երբէք անհրաժեշտ չէ, որ այդ պաշտօնները վարող անձինք անպատճառ կուսակրօններից լինեն, նամանաւանդ, երբ ժողովրդի մէջ գործող հոգեորականների այնպիսի մի սովորում, ինչպէս Թիւրքիայում ու Պարսկաստանում ենք մենք տեսնում: Թողնենք վերացական դատողութիւնները և անհող ցնորդները և նայենք իրական այն չարիքների վրա, որոնց մի մասը օրէնքով կոչված են թեթևացնելու մեր վեղարաւորները: Դրանց գործունէութիւնը յաջորդների, առաջնորդների և քարաղենների պաշտօնների մէջ է կայանում և ոչ աստուածաբանական վէճերի կամ աշխարհական ուժերին փոխարինելու տարօրինակ և վնասակար տենչի մէջ: Ճիշդ է, կան դեպքեր, որ ամենայարմար ուսուցիչը հէնց նորընծայ ձեմարանականը կամ արմաշականը կարողէ լինել. օրինակ, Ասրպատականի կամ Վասպուրականի այնպիսի դիւղերում, ուր աշխարհական ուսուցիչ հրաւիրլու անկարող է աղքատ համայնքը, մինչդեռ էջմիածնի կամ պատրիարքարանի սնկուկից ոռմիկ ստացող երիտասարդ սարկաւագը կամ արեղան ոչ միայն կարող է, այլ և բարոյակէս պարտաւոր է այդ տեղերում ուսուցչութիւն անել: Ո՞վ պարտաւոր է այդ մոռացված վայրերում գործել եթէ ոչ կուսակրօնը: Մինչդեռ, ընդհակառակը, այդ ձեւով դրանք չեն ուզում փորձառութիւն և ժողովրդականութիւն ձեռք բերել. դրանք ձգուում են այնտեղ ուր աւելի դիւրին ձանապարհով կարող են փափուկ կեանք փարել: Դրանք՝ նոյն իսկ հակառակ հասարակութեան ցանկութեան, առևէն ձիգ են թափում իրենց քիթը կոխել մեր սեմինարիաների և ձեմարանի տեսչուկան կամ ուսուցչական պաշտօնների մէջ և զրաւել այն պաշտօնները, որոնց համար ունենք աւելի լուր պատրաստված աշխարհական բաղմաթիւ ոյժեր, որոնցից էջմիածնը միայն պէտք է կարողանար օգտվել: Մեր ձեմարանական և արմա-

շական կուսակրօններին, ինչպէս երեսում է, պէտք է յիշեցնել, որ կուսակրօնութիւնը սուտ ճգնաւորութիւն չէ և մանաւանդ՝ անդորրասիրութիւն, այլ մի կամաւոր զինուռութիւն, որի նպատակն է՝ անձնազոհութեամբ նուիրվել իր հօտի բարօրութեան համար, գործազրելով այն միջոցները, որ տալիս է ազգային եկեղեցին: Դրանք մոռանում են, որ իրենց յօժար կամքով տուած (ուխտը) բարդյապէս պարտաւորեցնում է իրանց՝ վաղել այնտեղ ուր վտանգ է սպառնում ժողովրդին, ուր միիթարութեան, սփոփանքի և խրախոյսի է կարօտ ցրված ու ջարդված հօտը: Ոչ թէ կոր ուռիկն ու փափուկ բարձերը պէտք է դրանց ձգտումների կէտնպատակը լինեն, այլ ժողովրդի թշուառութիւնների դէմ մաքառելը, որի վերձատրութիւնը նրանք պէտք է զրտնեն այն ներքին բաւականութեան մէջ, որը զգում է ալտարուիսար՝ ուրիշին օգնութիւն ցոյց տալով: Այլապէս մեր մէջ իմաստ չունի կուսակրօնութիւնը, եթէ արեղաները պէտք է միայն աշխարհական ոյժերից գործունէութեան ասպարէզը խելով կամ պարապ վէճերով զբաղվեն:

Մեղ կարող են ասել, թէ համալսարանների այդ փարաջառոր (ապաս ունկնդիրների) նպատակն է ոչ մասնագիտական հմտութիւն, այլ միայն (ընդհանուր զարգացում) ձեռք բերել, մի բան որ անհրաժեշտ է և ժողովրդի հետ գործ ունեցող պաշտօնեաններին: Այդ ձիշդ է. այն ժամանակ մեղ ֆնում է զարմանալ մեր (բարձրագոյն) դպրոցի՝ ձեմարանի՝ զեկավարների և նրանց երեկելի «խմբի» գործունէութեան վրա ինչով ուրեմն կարող են պարձենալ՝ աշակ քառորդ դար է մեր զպրոցական հաստատութիւնները կապալով վերցրած այդ (ապահպանողական գործիները), միթէ նրանով, որ իրենց հակառակորդների գէմամեն աններելի հնարքների, ամեն հալածանքի գիմող մեր կղերական այդ ցերեկները այսօր խոստովանեն, որ նոյն իսկ (ընդհանուր զարգացում) տալ իրենց սաներին չը կարողացան: Զարմանալի չէ, որ մեր (աստուածաբանները), ոչ միայն չը կարողացան ներշնչել բուն «քրիստոնեական աշ-

խարհայեցողութիւն», ալարուիստական զգացմունքներ՝ իրենց դաստիարակութեան յանձնված պատանիներին, այլ միացած մեր «երեկելի մանկավարժների» և «գիտնական ուսուցիչների» հետ չը կարողացան ընդարձակել իրենց սաների մասաւոր հօրիզոնը, տալ նրանց ընդհանուր զարգացում և պատրաստութիւն՝ ըմբռնելու համար շրջապատող հասարակական երեցիները և ժողովրդի պահանջները: Ամեն ինչ նպասաւոր էր այդ կղերական ցերեկներին: Հոգեոր իշխանութիւնը նըրանց տուել էր գործելու և կատարեալ լիազօրութիւն, և մօնոպոլիա և աշխատանքի մեծաբանակ վարձատրութիւն. չը մերժվում նրանց ոչ մի քմահաճութիւն, բայց ի՞նչ ածողեցրին զրանք: Ասպարէզից հեռացրին իրենց հակառակորդներին, ընկան ձեւամոլութեան և շահասիրութեան ետեից և ներշնչեցին իրենց սաներին իրենց սահմանափակ հայեցքները և ողորմելի նեղարատութիւնն ու ընչափազցութիւնը: Ինչպէս որ իրանք էին արհամարհում ժողովուրդը, այնպէս են վարգում և նրանց պատրաստած (չնորհունակներն) ու «բարձրապատիւները»: Թէ արդարեւ այդպէս է վերաբերվում ժողովուրդին մեր վեղարաւոր նոր սերունդը (չնին բացառութիւնները մի կողմ թողնենք) այդ ցոյց է տալիս ինքը կեանքը: Հեռու չը գնանք՝ օրինակներ բերելու համար: Միթէ էջմիածնի գործերում այնքան «ձայն ունեցող» այդ մեր «գործիներին», ինչպէս և նրանց աշակերտներին չը պէտք է յայտնի լինէին, օրինակի համար, այն փաստերը, որ «Մշակի» 149 և 172 ԱՅ-ում, Ատրպատականից զրած թղթակցութիւններն են նկարագրում: Աչակ ձեմ մի թեմ, որը էջմիածնից է կախված և նրանից այնքան էլ հեռու չէ. մի թեմ, ուր ամբողջ գաւառների հայ ժողովուրդը տարբներով մնում է անքաշնայ, անյաջորդ, առանց ուսումնաբանների, քարողիների և հոգեոր իշխանութեան հոգսերի. Բարանդուղի 14 զիւղ, Ուրմիայի 25 զիւղ, Սուլդուղի հայերը թրքախօս են, յուսահատութիւնից պատրաստ են մահմեղականութիւն ընդունել ի՞նչ է անում զրա գէմ էջմիածնիր, որ ձեմարանականը

գնաց գործելու այդ վայրերում։ Մամուլը իւրաքանչեւր ան-
գամտեղեկացնում է մէզ, որ վանեցին, բաղեցեցին, կիլեկիացին
կրօնափոխ են լինում, որովհետև ամեն օր բռնաբարվում են
նրանց իրաւունքները, պատրիարքարանը ականջ չի դնում
նրանց անթիւ բողոքներին, լալով, չեկեկալով հովեւ, առաջ-
նորդ են պահանջում, իրենց ցաւերի դարման են խնդրում; բայց
լսող ըս կայ. իսկ մեր սրբազնները և երիտասարդ «արմաշա-
կանները» չեն ուղղում թողնել Բօսֆօրի գեղեցիկ ափերը և
իրենց պաշտելի մարմինը պարարտացնող անդորրութիւնը:

Մամուլը որքան ուզում է՝ թող վրդովիթ, բողոքի, պահանջի, քարոզի, եթէ Աւետարանը զօրութիւն ունի փոխելու գոյի սովորութիւնները, այն ժամանակ կարելի է յուսալ, որ և ժողովրդի հեկեկանքները կը շարժեն մեր «աստուածաբան» կարիերատների գութք. դրանք այնպէս չեն դաստիարակված ու ներշնչած, որ եկեղեցի ասելով քարուկիրը և իրենց անձնական շահերը չեն հասկանան, այլ՝ մի որոշ համայնք կազմող ժողովրդի պահանջները։ Ուսուցիչների ոգին լաւ է արտացոլվել այդ աշակերտների «ուղղութեան» մջ, որ չը նայած վերև յիշած քստմնելի քարասրառութեան և անհոգութեան, երբ որ խօսք է լինում օտար եկեղեցիների կրօնաւոր անձանց եռանդուն գործունէութեան մասին, այն ժամանակ մեր փափկասէր վեզարաւորները իրանց աշխարհական պաշտպանների հետ միասին, չարկ են համարում արդարանալ առարկելով, որ օտարները չար զիտաւորութեամբ, այսինքն՝ «հաւատորսութեան» նպատակով են զնում Թիւրքիա կամ Պարսկաստան և օգնում այնտեղի քրիստոնեաներին։ Սակայն մոռանում են մեր այդ փափկասուն հայր-սուլրերը, որ այդ խօսքերով հենց իրենց բերանով իրանք են իրանց գատապարտում։ որովհետեւ «այդ ինչո՞ւ, պատուելի հայր-սուլրեր, կը հարցնենք դրանց, բարի զիտաւորութեամբ, ձեր եկեղեցու հօար փրկելու նպատակով անզամ, գուշ ևս անընդունակ էք եռանդ ու անձնութրութիւն ցոյց տալ չե՞ն որ բարի զաղափարը տւելի պէտք է ողեւորէր ձեզ քան չարը՝ ուրիշներին»...

ՆՈՅՆ ՀԵՂԻՆԱԿԻ

- 1) Այց Թիւրքաց Հայաստանին, Թիֆլիս,
1890 թ. ֆինը 60 կոպ.
- 2) Ժողովրդի կրթութեան գործը մեզանում,
Մուկուս, 1892 թ. » 20 »

ԴԻՄԵԼ ԹԻՖԼԻՍ, ԿԵՆՏՐՈՆԱԿԱՆ ԳՐԱՎԱՃԱռԱՆՈԳԻՆ:

5132

2013



